

آرزي ايله دامتاني

لار
لار
لار
لار

لار
لار
لار
لار

کركوك، آنادولو و طوز خورماتو واريانتلاري

آرذی ایله قمبر

داستانی

(کرکوک، آنادولو و طوزخورماتو واریانتلاری)

حسن-م.جعفرزاده

۱۳۹۲

کیتاب آدی: آرزی ایله قمبر(کرکوک، آنادولو و طوزخورماتو واریانتلاری)
تدوین، تصحیح، کوچورمه و آنک یازیلاری: دکتر حسن-م. جعفرزاده
قابلیق تصویری: الهام حسین زاده
تبریز- یای ۱۳۹۲ ش

اون سؤز

حالق داستانلاریمیزدان اولان آرزوی-قمبر یاخین کئچمیشلرده ائولریمیزده کورسو باشیندا آن دینلهنن داستانلاریمیزدان بیرجى کیمی حساب ائدیلمەسە ده آن یایغین شیرین و سئویلن حکایەلدن بیرى کیمی تانىنير.

گونئى ده، بو داستانىم ز حبىب ساھير هارمونىالى قلمە آلمىشدىر. ساھيرىن بو اثردن آل يازمالارىنى حؤرمتلى صرافى جنابلارى ترتىبە سالىميش و كىچمیشىدە تبرىزىدە نشر اولان اختر هفتەليگىنندە نشر ائتىرىمىشدىر. البته همن بو اثرى بىر كره ده محمدرضا قوجى سارالان آرزوی لار مجموعەسىنندە وئرمىشدىر. ساھيرىن حاضيرلا迪غى واريانىتى دكتىر ح. صديق منظوم فورمادا فارسجايا - آرزو قمبر، ح. صديق، تهران، مازيار، ۱۳۵۲ش. و تك- درخت، ۱۳۸۹ش- چئويرمىشلر.)

البته علیرضايى ذىحق ده بو داستانى فارسجايا چئويرىپ نشر ائتمىشدىر. (قصەھاي عاميانه فولكلور آذربایجان)

اما بو اثرى حاضيرلاماغا ماراقلاندىرمان مسالە حؤرمتلى عالىم دوستوم رضا بى ھمراز-ين - بو داستانىمیزدان- کرکوک و آنادولو واريانتلارين اسکى بىر نوسخەلرینە راستلاماسى ايدى. ھمراز جنابلارى بو نوسخەلرى آلدە ائتمك خېرى ايلە برابر ساھمانلماقلارىنىدا اوئر وئرر، منه تاپشىرىدىلار. بو اسکى نوسخەلرین بىرى "کرکوک" باشقاسى ايسە "آنادولو" واريانتلارى ايدى.

بو واريانتلاردا دا بىزدە كى کىمى داستانىن اساس مضمۇنون ايكى سئوگىلىنىن بىر-بىرينه قوووشماغانىنا تۈرتىلدىن مانعىلر تشکىل ائدىر. کرکوک واريانتنىدا مانعىلرى تورتن آرزوی نىن نەھلىگى يوخ بلکە اوز نەھسىدىر كى قمبرىنندە عم آروادى حساب ائدىلر. قمبرلە آرزو عم اوغلۇ-عم قىizi، كىچىكلىكىن گۆبک كىسمە بىر- بىرلرینە آدالخانمىشلار. أما آنادولو واريانتنىدا آذربایجان واريانىتى کىمى قمبر آرزو-گىلىن ائولرینىن بىر اوغوللوق کىمى بويوموشدور. آنجاق بو واريانىتىدا، آذربایجان واريانتنىدا كى

کیمی آرژینین ننه‌سی آرژینی باجی اوغلوسونا بوخ بلکه غریبه بیریسینه وئرمک ایسته بیر.

هر ایکی نوسخه عرب کؤکلو الیفبادا ترتیب ائدیلمیشdir. کرکوک نوسخه‌سی ۱۹۵۶ دا بغداددا نشر ائدیلمیشdir آما آنادولو نوسخه‌سی نین چاپ يئری و ایلی بَلَى دئیلیدir. آنچاق تدقیقاتچی همزا جنابلاری نین آراشدیرمالارینا گؤره ۳۰۰ ایل اطرافیندا ياشی واردیر. ۷۷ صحیفه‌لیک بو آنادولو واریانتی نوسخه‌سی نین اصلی داستانی "اصلی-کرم" حصر ائدیلمیشdir آما کیتابین حاشیه‌سی "آسمان ایله زیجان" داستانی، "عرضو ایله قمبر" داستانی و "عاشق عمر" -ین شعرلری ایله بَزْنمیشdir. همین بو مجموعه‌نین اصلی-کرم داستانیندا حؤرمتلى على برازنده ساھمانلامیش نشر ائتمیشdir.

اٹله بو اثری حاضیرلا ییب بیتیرن گۇنلر بو داستانین باشقا بیر واریانتیندا راستلادىم. بو نوسخه "طوزخورماتو" (۱) واریانتی ایدى. همن بو نوسخه‌نى ده-توركىيە الیفاسیندان- کؤچوروب توپلوايا آرتىردىم. او زامان «ساھيرين حاضیرلا دیغى نوسخه‌نى ده بو واریانتا آرتىریم؟» دئىهە اندىشەلنىم. تکرار ساھيرين حاضیرلا دیغى نوسخه‌نى ده موشتري گۆزو ایله اوخدوم. «بو واریانت دا کرکوک واریانتى اساسىندا حاضیرلا نمیشىدی». بونو اوراتق جوملەر بىزە وئریر. آنچاق ساھير، گۈزلەرلە بزمیشdir. البته ساھيرين اثىرىنده بير سира شعرلر آليمىزدە اولان کرکوک واریانتى ایله فرقلى ایدىلر. اٹله بو فرقىلەر گؤره ده بو ایشە قرار وئریب بو واریانتى دا توپلوا ضميمە ائتدىم. سونوندا آذربايجان بير واریانتیندا اولان نىچە پارچا فرقلى شعرلری ده موشابه بىندرلەر آتك يازى کیمی آرتىردىم.

بئله‌سینه آلينىزدە کى توپلو ایله آليمىزدە اولان واریاتلار بىرگە، سىز سايىن اوخوجولار سونورلور.

حسن م. جعفرزاده

۱۳۹۲/۰۶/۱۲ تبريز

1-Tuzxurmata: دوزخورماتو، عراق شهرلىيىندىدир. اسکى لرده "کرکوک" تابع ايدى. آما سونزالار "صلاح الدين" بؤلگەسینه يىتلەشىدىرىلىمىشدى. البته کرکوک ياخىن "تازاخورماتو" آدىلى باشقا بير شەھرىجىك ده واردىر.

«قاموس ناموس دور، قاموسا اوزانان آل ناموسا اوزانميش دئمكدىر.»

١-جى بؤلوم

كىركوك واريانتى

میلی داستانلاردان
آرزوی - قمبر مطالی^(۲)

آنلاتان: بیر کرکوک خانیمی
دهلهین: اوقات عطا درزی باشی
دهسن^(۳): محمد عزت خطاط
باسیم ائوی: بغداد
باسیم زامانی: م ۱۹۶۴ (ش ۱۳۴۳)

اون سؤز

اصلیندە يازىلى مىلى داستانلاردان اولوب سورادان خلق آغزىنە گىچميش اولدوغۇنا ايناندىيغىز آرزى ايله قىبىر^(۴) حكايىسى، عراق تۆركىرى آراسىندا آن چوخ مشهور اولان تۆركولو حكايىلەردىن بىرىدىر.

بۇنۇن سون زامانلاردا آغىزىلارдан دەرلەنېب [تۆپلايان] ياييملانمىش چئشىدىلى نوسخەلەرىنە راستلانماقلە برابر حكايىنەن، مع الاسف، [تاسوفلە] اسکى بىر متنە هنوز تصادوف ائديلمىش دئىيلەر. بو حكايىنەن اسکى دن بىرى اوغوز تۆركىرى آراسىندا بىلىندىيگى آنلاشىلماقدادىر. بو آرادا بىزم ديارلاردا مىثالالاشمىش بىر شكلى قادىن مجلىسىلىرىنە سؤيلىنىمكده دىر.

داستانى ماھىتى اولان بو حكايىنى خلقىمизىن دىلىندىن آلاقا يايىلايرىق. بىزم ياييملايدىغىم بىر حكايى، باشقۇ اۋلۇكەلەردى كى ياييملانمىش دەرلەمەلەردىن تمامىلە فرقلى- دىر. هەلە بىر دفعە موضوع اعتبارىلە اۋتەكى دەرلەمەلەردىن آيرى اولان بو اثر داستانى موتى يوللە سوسلودور [بىزنىمىشىدىر]. اۋتەكى دەرلەمەلەر خلقىن دىلى يازىلىمىش اولمايىب دەرلەيەنин اۆز يازى اوسلوب ايلە مئيدانا گتىريلەمشىدىر. بىزىمكى ايسە باشدان سونا تكىن حرفى- حرفىنە آغىزىلارдан دىنلەدىم. آن سونوندا سايىن محمدمعزىت خطاط آرخاداشىمېزىن آناسى آغزىنەن دىپە[شريط]^(۵) آلاقا اولدوغو كىمى دە ياييملاماغا تشبىۋ ائتدىم. دىل باخىمېندا مكتب فلان تاثىرى آلتيندا قالمايان سايىن ياشلى خانىمین قونوشما دىلينەن هەنج توخونمادان حكايىنى كلىمە-كلىمە، جوملە- جوملە تثبيت ائتدىم. بو، يئرلى آغىز اۆچۈن گۆننەن آن گۆزل اۇرنكى دىر.

يابانجى سؤزجىلە تك- توک اولاراق راستلانان بو دەرلەمەدە ، يازى دىلىنە گىچن عربچە تعبيىرلە و فارسجا تركىب اضافى لە اصلاً تصادوف ايدىلمەمكەدە دىر. هەلە تۆركجهنەن يابانجىسى اولان «و» عطف حرفىنەن بوندا گىچدىيگى گورولموش دئىيل- دىر.

اىرىن، باشقۇ لهجه زومەلەرى آراسىندا دا، قولايجا بىللەنە بىلمەسى و دىل آراشدىرمالارى باخىمېندا يارارلى اولماق دوشونجەسى ايلە دەرلەمەدە گىچن بوتون

ئېرىلى سۆزجىلەرك اور تاق تۆرك شىوهسىنده كى قارشىلىغىنى يازماغانى اونوتىماديم. كتابىن آدى، خلق آراسىندا يايغىن اولدوغو كىمى «آرزى قىمىر مطالى» دىر. دەرلەممىز، بو ساحده چالىشانلار اوچون كىچىك بىر اۇرنك وظيفەسىنى گۈزە بىلىر. بونو مئيدانا قويماقلالا اوزرىمىزە دوشن مىلى يوكون اوفالاجىق (كىچىك)، بىر يانىنى داشىياراق سئۇينچ دويماقدايىق.

آوقات(٦)

عطادرزى باشى

كىركوك ١٩٦٤/١١

٢- مطال: يازار كىتابىندا بىلە اىضاح ائدىر؛ بىزىم شىوهدى. «صال» (مىثال) قارشىلىغىدیر. منجە "مەتل" قارشىلىغى دىر مەتل= افسانە. باخىنiz سىنگلاخ سۆزلىيونە.

٣- دەسن= دئىسن: تصویرگر (فرانسىز جەدىر) (dessen)

٤- قىنير=«قىمىر» اوخونور، ذاتا بىزىدە هە زامان "ن" حرفى بىر سۆزجىكە "ب" حرفىندىن اونجە گلىرىسە "م" اوخونور، دومبالان، آمىبار ... كىمى.

٥- تىپ(شريط): ذبط

٦- آوقات: وكيل

آرزوی قمبر مطالی

هارتدان - هور تدان، سیخمه‌سی [بیل باغی] [قاریوز قابیغی، دویمه‌سی توریدان، آمان زامان ایچینده قربیل سامان ایچینده، دوه ببرلیک^(۷) ائدیر، اسکی حمام ایچینده!^(۸) واریدی، یوخودو، ایکی قارداش واریدی. بو ایکی قارداشین آروادلاری ایکی جان ایدی^(۹). بیر گنجه ییغیشمیشدیلار بیر ائوده او تورموشدو لار. دئدی؛ قارداش بیر شرط اندیم کی قارداش وصیتی اولسون سنه. دئدی؛ هانسیمیزэн او غلو اولدو هانسیمیزэн قیزی اولدو بیر بیرینه بئشیک کسمه^(۱۰) آدخلی اولسون.

دئدی؛ ياخشیدی، قئیدی يوخ.

دئدی؛ شرط؟

دئدی؛ شرط!

ای آیدان، گون گوندن دوققوز آی، دوققوز گون، دوققوز ساعت دان سورا بیرینین کی دوغدو، بیر اوغلان. بیرینین کی دوغدو بیر قیز! اوغلانین آدینی قویدولار "قمبر"， قیزین آدینی قویدولار "آرزو".^{*} بونلار بیر زامان، حتی بؤیوک اولدولار. بیر دوققوز ياشينا گیردیلر، قمبرین ھم ننه‌سی اولدو ھم باباسی.

عمیسى نئله‌دی؟ دئدی؛ والله بو قارداشیمین اوغلی دی، ھم باباسی وصیت ائتدی بونو گتیرم ائویمه. گتیردی ائوینه، ائوینده بسله‌دی. اوغلانلا قیزین آلین توتدو، آپاردى مچیده، گئتدی موللا يانینا سلام وئردی. دئدی؛ بونون بیریسی منیمدی، بیریسی قارداشیمیزندی. گتیرمشم بونلاری قویام مچیده. او خوت بونلاری.
[موللا] دئدی؛ - باش اوسته.

بیر ایل، ایکی ایل، اوج ایل... بیر گون [اعمی] دئدی؛ من بونلارдан بیر شئی آنلامیرام.

* بلکه ده بو خالق ماھنیسی بو داستانیمیزدان و آرزو آناسی دیلیندن يارانمیشدیر؟!

آی منیم آرزو قیزیم ... آی منیم آرزو قیزیم

سئوبىملی نازلى قیزیم ... كۈنلۈمۈن يازى قیزیم

۸- فولکلور ناغىللارىندا باشلانىش ترمىنى دىرى.

۹- ایکی جان: بوبيلو، حاميله

عمى دئدى؛ بىر گندىم موللادان سوروم بونلار هارا يېتىشىپلىرى؟ او خومادا هېچ بىر صدالارى يوخدو. گلدى گىردى موللا يانىنى، سلام وئردى اوتوردو. دئدى:
- موللا! آرزى دان، قىمىر نىچەدى؟ او خوماقدا هارا يېتىشىپلىرى، هارا يېتىشىمەيىپلىرى؟
[موللا] دئدى:

والله اوغلۇم سنىن پاران منه حرامدى!
[موللا داۋامىندا] دئدى:

اوغلۇم بونلار هېچ او خومورلalar، او توروپىلار بىر- بىرلىرىنە هەنى معشوقەلىك ائدىرلر.
[عمى] دئدى:
- نە چارە؟
[موللا] دئدى:

چارەسى بودور، سن چىخارت بونلارى آپار. او خومازلار. بونلار او خوييان اولماز، بىر-
بىرلىرىنە عاشىقىدىلر!
[عمى] دئدى؛ قىمىر، آرزى! قالخىن، صاندىقلارىزى، دوشكىلىرىزى قالدىرىن گىندك ائوه!
مچىيدن چىخارتدى گىتىرىدى ائوه. قىمىرە دئدى؛ - قالخ سن گىئت بو قوزو بالالارىنى
آپار او تلات.

آرزى ياخ دئدى؛ - قالخ ننه نله ايشلە!
قىز، ننه ايلە ايشلەر، قىمىرە صباحدان قوزو بالالارىنى آپاردى گىتىدى. آرزى دىلى
اولوب، صباحдан قىمىرى گورمەيىپ، قىمىر گىندىب چۈلە.

ننه دئدى:
- آرزى سو قالمايىپ.
آرزى دئدى:
- ننه تولوغۇ وئر گندىم دولدوروم.
ننه سى دئدى:

- ساجى كىسىلمىش! گىدىسىن، نئجه حاضىرسان سو گىتىرمەيە! ايندى گىندهسىن، اوردا
قىمىرى گورهسىن، او تورارسان قىمىرلە آيلىنمەيە! سو يو گئچ گىتىرسىن، والله واى حالووادى
اولدورم سنى!

[آرzi] دئدى؛ يوخ والله ننه، بونجا آند، بونجا يمینىدى (۱۱) تئز گللهم.
اما قىزىندا نشانلىغى -وغلاتىن بىلەزىگى- قىزىن آلىيده ايدى. گئتدى، قىز باخدى.

قمبىرە چۈلدە بىلە اولوب، كىپرىت اولوب آرزو اوچۇن. باخدى داغدان آنېرى، بولغا دئدى:

آرزيم آندى بولاغه

سىسى گلدى قولاغه

آرزى يە پىشكىش اولسۇن

شىروان، تبريز، مراجعه

قىز، هئچ جاوابىن وئرمەدى. آندى آشاغى يە، يئتىشىدى سوپيون باشىنا، تولوغونو دولدوردو، آل اوزونو پاك يىخادى [يودو]، باخدى قمبىر قاچىرى گلسىن يئتىشىسىن اۇزونە. تلهسىكلىكىدە قىز، ھەمن تولغۇ آندى چىيىننە، بىلەزىك يادىندان چىخدى، قالدى يېرىنەدە. قىز گئتدى ائوه. ننه توتدۇ قىزى، اولونجە چالدى، دئدى:
-قحبە گئتدى قمبىر گوردو، گىچ گلدى.

[آرzi] دئدى:

-واي ننه! بو نىچە آند، بو نىچە يمین! تلهسىكلىكىمدىن، گور بىلەزىكىدە آلىمدى يوخدو.
بىلەزىگى سو باشىندا قويدۇم.

[ننه] دئدى:

- قىصدا" قويدۇن بىلەزىگى سو باشىندا، بىرده گئىدەسەن قمبىر گورەسەن! والله ساچى كسىلىمىش، گئىت بىلەزىگى گتىرگىنن، والله ايندى سنى اولدورم.
گئتدى قىز، قىز گئتدى، باخدى قمبىر قوزو يايىرى (۱۲). دئدى:

تولوغومو دولدىرىدىم

دولو دئىيىن قالدىرىدىم

دينم ايمانىم قمبىر

بىلەزىگەم سالدىرىدىم

آلدى قمبىر، دئدى:

هه گۆلشانى-گۆلشانى [گۆلشنى)]

گۆللر يئره دوشانى (۱۳)

بىلەزىگون اۆستوندە

نه وارىدى نشانى

آلدى قىز، دئدى:

هه گۆلشانى-گۆلشانى

گۆللر يئره دوشانى

بىلەزىگەم اۆستوندە

آرzi-قمبىر نىشانى

آلدى قمبىر، دئدى:

بو سولار اولوغ-اولوغ

قىزلار دولدورو تولوغ

بىلەزىگىن تاپانى

نه وئريسن موشتولوغ

آلدى قىز، دئدى:

بو سولار اولوغ-اولوغ

قىزلار دولدورو تولوغ

بىلەزىگەم تاپانى

شىرىن جانىم موشتولوغ (۱۴)

۱۳-دوشانى: دوشەنېر.

۱۴- آذربايچان واريانتىندا قمبىر- آرzi آراسىندا بىلە سۈز گىئدىر:

دؤلدوروللار اۆچ تولوق

سو گلىير بوروق-بوروق

نه ورە سن موشتولوق

اوزو گۇوو تاپانا

آرzi دا بىلە جاواب وئيرىر:

دؤلدوروللار بىش تولوق

سو گلىير بوروق-بوروق

آرzi جانىم موشتولوق

اوزو گومو تاپانا

اوغلان توتدو قىزى، سىخدى قوجاغىنا، اؤپدو، قوخلادى، بىلەزىگى تاخدى قولونا دئدى:

- يئرى گىت ئوه، ننهن سنى وورماسىن.

[آرزي] گىلدى. ننه، بو قىزى بئلە چالدى ائتدى لىش! دئدى؛ قحبە گىتدىن قصدا بىلەزىگى سولار باشىندا قويىدون، گىتدىن بىرده قمبرى گورهسن؟!
اخشام اولدو كىشىسى گىلدى، [آرواد] دئدى:

- من هەنج ائدە بىلمم بو قىزونلا، ھەر دېقە بىر باھانا ائدىرى، وورور قمبر يانينا قاچىرى!

[كىشى] دئدى:

- چارە؟

[آرواد] دئدى:

- من بو گۆن سوتومدن ساغارام، بىر تېسى(15) دەلەمە (16) ائدرم، قويارام قمبر يئسین باجى-قارداش اوڭارلار!(17)

قالخدى اىكى أمىجىكىنдин بىر قاب سود ساغدى، قىزدىرىدى، دەلەمە ائتدى، قويدو تشت آلتىينا. قمبر، گۆن اورتا گىلدى دئدى:

- عمى آروادى نە وارىم؟

[عمى آروادى] دئدى:

- عم آروادى قوربانون اولسۇن، اودو تشت آلتىندا سنين اۆچۈن بىر قاب دەلەمە دئيدۈرمۈش.

قمبرىن بئلە كىنى گىلدى، دئدى؛ والله عميم آروادى بو گۆن نە دئىيرى: «عم آروادون قوربانون اولسۇن»، ائلەسە قىزى منه وئرەجكدى.

قىز، آتاش دوشدو جانينا. دوندو بو ماھىنى دئدى:

ھى ھاتپىدى ھاتپىدى

قويون-قوزو ياتپىدى

15 - تېسى: بىر جورە يىكە تاباق، مجمئىي دلەمە: مايالاتمىش سود

17 - عرفا گۈره سود باجى-قارداشى بىر- بىرى ايلە اولنە بىلمىلر.

قمبر دَهله مه يئمه

ننه سوتون قاتپدى

دوندو اوغلان، دَهله مه نى يئمه دى. قالخدى دئدى:

ترهجه مىز(۱۸) دولو داش

بىر ياسديغا قوياق باش

بىر ننه دن اولماديق

نئجه اولادق باجي - قارداش؟

آلين سيلكىدەي يئمه دى. بىر كلە سوغان، بىر چۈرك قويدو جىبيئە، چىخدى گىتىدى.

【آرزى ننهسى】 دئدى؛ فايىداسى يوخدو. قالخدى قىزى بئلە چالدى، دىلدىن داماغدان

سالدى. دئدى:

- ساچى-بوچى(۱۹) قحبە، هەن نە ئىتدىن؟ بونودا شعردن، بىتدىن قمبرە آنلاتدىن. اۇلسن،

قويمام سىنى قمبرە نصىب اولاسان. قمبرى قاپىمدا بىلىبىم سىنى اۋزونە وئرمە؟!

. [قمبرە دە] دئدى؛ قمبر، گىتىسىن بىر قوزو گىتىر اۋودە كَسريك.

قمبرەدە بىر قوزو گىتىرىدى، وئرىدى عم آروادىنا. قاورووردو، بىشىرىدى، قمبرىن پايىنا

آغۇر(۲۰) قاتدى، زهير. قويدو تشت آلتىنا.

قمبر، صباح گۆن اورتا اولدو گىلدى. دئدى:

- عم آروادى نە وارىم؟

[عمى آروادى] دئدى:

- پايىن بىر كومە قاوروور ما قويىوشام!

قىز اولدو آبدال! دئدى؛ واى بو زهيردى، ايندى بو زهيرى يئيهر أولەر. دئدى:

أمه قمبرىم أمه

ننه مىن عقلى كەمە(۲۱)

۱۸- ترجمە: رف، تاغچا

۱۹- ساچى-بوچى = ساچى: گلىنин ساچىندان آسلانان چىچك، پىلەك-بوچى: بىر جورە قويۇز.

آرزىنinin ساچى و چالدىيغى يوچى يا ايشارەدىر. (ساچلى-بوچلو ق.ج.ب.ھ.)

۲۰- آغۇر= زهير = آز (فارسجادىر)

اونونده قوزو بريان
آغو قاتيپدى يئمه

وغلان آلين سيلكىدە، يئمەدە. دئدى:

بو گۆن چىشىبەدى
گۈيلۈوه دوشۇن نەدە؟

اود يانار توتون(۲۲) چىخماز
قاراندا بىشىن نەدە؟(۲۳)

يئنه بىر باش سوغان، بىر چۈرك قويido قويينونا گئىتدى.

قونشولاريندا بىر تات وار، قىرخ اوغلو وار! گىلدى، بو قىزى اىستەدى باباسىندا. بو
قىزى، قالخدى عمى وئرىدى بو تاتىن اوغلۇنا! قمبر ائوه گىلدى، قىز آندىرىدى، دئدى:

- قمبر!

دئدى:

- ها!

دئدى:

- خبرون وار؟

دئدى:

- نېچە؟

دئدى:

٢٢-توتون: بوردا مقصىد توستۇ دور.

٢٣- آذربايچان واريانتىندا قمبر حاق عاشيق اولدوغوندان آرزي آليندە كاسانىن زهيرلى
اولدوغون بىلىپ بىلە دئىير:

غم غصە يەباتمىسان
بىلىرم زھر قاتمىسان

قاش قاباقى آتمىسان

آلیندە كى كاسى يە

آرزي دا جاوابىندا بىلە دئىير:

دردى وى بىر كىسە دئمە
شكىردى قاتسام يئمه

يئمه قىبرىم يئمه

اليمدە كى كاسى يە

-منى بابامدان تات اوغلو اوچون ايسته ديلر. بابام منى وئردى تاتين اوغلونا. بير چار إله.
دئدى:

چارهسى نه اولسون، منيم كيمى بير كيمىسىز نه ائده بىللە؟!
دئدى:

-گئت شاها شيكيات ائيلە، بير تابور(۲۴) عسگرگتير منى قىلىنج زورو-حرب زورو
آلگىننان!

بودا [قمبر] گلدى، دئدى:

ـعم آروادى، منيم طاقتىم قالمادى بوردا اوتورماغا، مادام آرزينى دا وئرىسىز خاخا(۲۵)
منيم اوچون بير تشت ديرنالخى كۆلچە(۲۶) ائله گىنن باش آليرام گىدىرم.

ـعمى آروادى دئدى:

- باشىم اوستە!

ـاعم آروادى اوز-أوزونه دئدى؛] «ھە گئتسىن بويونمدان اولسون.»

[قمبر] اسپايىنى يىغىدى شئى- مئى-ين يىغيشىدىرىدى، اوغلان، قويدو گئتدى. ها
بوردا، ها اوردا، آز گئتدى- اوز گئتدى يېتىشىدى عجم شاهى يانىنا. شاه دئدى:
نه اىستيرىسن؟

دئدى:

شاه اوغلو شاه زاده
گلمىشىم سنه داده
ماليم يوخدو آلام
خان، آرزييم گئتدى ياده

دوندو شاه دئدى:

دورون-دورون گورلىم
عاشيق حالىن سورالىم
چاغىرىن خزنهدارى

عاشيقە مال وئرلىم

آلدى قمبىر:

عاشيق مالى نئيليرى

دونيادارى نئيليرى

عاشيق داده گلىبىدى

سندن امداد ديليرى

شاه دئدى:

- چاغىرین بير مانغا (۲۷) عسگر وئرين، هانسى قىزى اىستيرسە توب- توپخانا زورو
آلسينلار وئرسينلار آلينه.

اوردان بير وزير قالخدى دئدى:

- پادشاهيم سەن بىلىسەن بو ساغ (۲۸) عاشيقىدى؟

پادشاه دئدى:

ساغ عاشيقلىغى نەدن بىلىنىرى؟

دئدى:

- باغچاون يىددى يەممىشىنى بير - بىرىنە قاتارسا ساغ عاشيقىدى!

آلدى قمبىر، دئدى:

آلما آريك، هالوچە (۲۹)

قاوون، قاربوز، بو نئچە؟

ھئيوا يىدىم سارالدىم

نارگىلە معدهم آچە

بىر مانغا عسگر وئرىدى، توب-توپخانا، عسگر-لشگر. دئدى:

- گىدىن، ايندى ساغ عاشيقلىغىن اثبات ائتدى.

سن گل آرزى نىن ننه سىندىن خېر آل! بىر قارىنى چاگىردى. آغىريجا پامبىق چىكىدى

۲۸-ساغ عاشيق=حاق عاشيق

۲۷-مانغا: سرباز دستەسى.

۲۹-ھالوچە=آلچا

قاری یا وئردى دئدى:

- قارى ننه، قمبر گندىب شاها دادا، عسگر-لشگر گتىرمەيە، سەن بىر اوپۇنلا بو عسگر-
لشگرى گئرى دوندر بو پامبىق سەنین اوچون اولسۇن.

قارى دئدى؛ بىر قازان حالوا، بىر تىدىر چۈرك اىلە منىم اوچون، قارىشما!
چۈرگىن آرا يېرىنە بىر كوندە حالوا قوبىدو، بىر-ايکى [سىن] پېشىتمالا (۳۰) دوگۇنلەدى
صاباح محلى (۳۱) آپاردى بىر-ايکى تورىي نىن باشىندا اوتوورور. بىرگۇن، ايکى گۆن، اوچ
گۆن، بىر زامان قارى باخدى بىر تۈز تۈزاناق، بىر عسگر-بىر لشگر ، موصىلدا بىر
قىامت! دئدى؛ والله بو قمبردى گلىرى!

قمبر دوردو باخدى. قارى ساچىن آچىپ اوز-اۆزون چالىرى نۇرە وورور آغلىرى! قمبر
حنىن ايدى (۳۲) عسگر-لشگرى دوروتىدو، قارى دان سوردو، دئدى:

آلتىمىز بوراداندى
اوستوموز ياراداندى
قارى سوآل ائدىريم
گلىشىن هاراداندى؟

دوندو قارى آلدى:

آلتىمىز بوراداندى
اوستوموز ياراداندى
اگر سوآل ائدىرسن
گلىشىم اوپاداندى

دوندو اوغلان دئدى:

او يانىمىز داغمى دىر
بو يانىمىز داغمى دىر
قارى سىنن سورورام
آرزى اۋلوب ساغمى دىر؟

[قارى] دئدى:

- وي، ننهن- بابان اؤلە يىدى اوغلۇم! به من نه اوچۇن اۇزومو چالىرام. حالوا پايلىرام!؟!

[قمبىر] دئدى:

- ايندى آرزىدى اؤلن؟

[قارى] دئدى:

- هە والله قوربان آرزىدى اؤلن! هە

[قمبىر] دئدى:

- چاره نە؟ من گىندىيم شاها دادا، عسگر گتىردم، لشگر گتىردم، آمگىم هئچە دوندو! عسگرە اىزن وئرىدى، دئدى؛ آرزمىم اۈلوب، سىز دونون گىرىيە! هە كىس دوندو گىرىي- يە. اوغلان توربەنин باشىندا اۇز-اۇزون چالار، آغلار. گۇزىنەن سو يېرىنە قان گلىرى. مغرب اوخوناندا(٣٣) ياننان بىر-ايکى دەنە(٣٤) گىچىر، «قارداشىن، بابان سىنىن اؤلدۇ! آللە قبول ائتمىز، قالخ گئت، آللەين وعدىنە نەدلى؟ آللەين چۈلۈنە گىچە محلى بۇ سو يوقدا نە ئەدىرسىن؟»[دئدىلىر]. اوغلان آلین گۈزىنە توتۇۋ بئله اىچىرىسى كسىلىمش گىلدى يېيشىدى عمىسى گىلىن زوقاقىنا، باخدى آرزمى آلى آلىنىدە، آتىگى بئلىنىدە، قويودان سو چكىرى. اوغلانىن ايکى دىزىن قاپاڭى قىريلدى. بئله اورگى كسىلىدى دوردو قاپىدا باش دايادى قاپى يا، بئله مووالدى(٣٥)! دوندو قىز، دئدى:

قاپىدا دوران آدام

بوينونو بوران آدام

گىئىمىشدىن شاھە دادە

هانى شاھدان بىر آدام

آلدى اوغلان دئدى:

نه اولدو قارىدان اولدى

زولفو سارىدان اولدى

عسگرىم گىرى دوندى

گۆزل تارىدان اولدى

اوغلان گيردى ايچرى، دوشدو شامسىز آج. ساباح(سحر) اولدو، گلدىلر تات-گىلى قىزىن، آل ائتدىلر، وئر ائتدىلر، دىلكلەيگىنە. قىز وئرىلدى، يولو گىلدى، گېنى كىسىلدى، قىزىن جاھازى آليندى. جاھاز بىچىلىدى، حناناندى، گلىن گئتمك اوستە قىزى، بىش گۇندە، بىر هفتە دە بىر بىتىردى. [آرزوی نىن نەھىسى] دئى؛ گئتسىن، بويىنومنان اولسون. قمبر قالسىن ھە بئله يانا-يانا!

توبون تداروكى بىتنىدن سونرا گلدىلر قىزى بزەتمە يە. قىز آغلىرى، اوغلان آغلىرى، ساغ عاشيق اولدوقلاريندان گۆزلریندن قان آنيرى! گلدىلر قىزى بزەتمە يە. اوغلان بىلە قاپىدا دوروب بويىنونو بورور! بىر دە گىلدى قىزىن اسبابىن (۳۶) گئيدىرسىن بزەتسىن. اوغلان دئى:

ھى ھەكولسون - ھەكولسون

قاتلى داغلار سۈكولسون

آرزوينى بزەدنى

اون بارماغانى تۈكولسون

آروادىن اون بارماغانى يووى - يووى دن (۳۷) دوشدو! ساغ عاشيقىن دوعاسى گىچىدى. آرواد گئتىدى.

او دئى؛ گلىنى كىيم بزەتسىن؟ بو دئى؛ گلىنى كىيم بزەتسىن؟ بىر دە [نفر] قالخدى دئى؛ ياللە، من بزەدىرم! قمبر نە دى سۈزۈ بىلە گئچسىن! قالخدى گلىنى بزەتسىن. دوندو قمبر دئى:

تىترىرم يارپاڭ كىمىن

قرە گئىسىن زاغ كىمىن (۳۸)

من قمبرم داغ كىمىن

آرزوينى بزەدەتى

٣٧- يووى = مفصل، بند، بند-بنددن.

- آلسە، گئىييم.

٣٨- آذربايجان واريانتىندا قمبر گلىن بىلە باغلايانا بىلە بددوعا باسير:

چگرىمى داغلى يىن

آغلى يىن، آغلى يىن

گلىن بىلە باغلى يىن

آه چكىم اوغلون اولسون

خبر گىلدى، دئدى قالخ دامىن دوشوب دؤرد اوغلۇن بير كىشى-ين آلتىندا قالىبىدى ئى بىللە، دالى بىللە لىنىش چىخاردىرى. آرواد، گلىنى يئرىنندە قويىدو، حوربو (۳۹) باسى دى قويىدو قاچدى!

بۇنو كىيم بزەتسىن؟ دئدىلر؛ والله بىز بزەتمەرىك. قمبىر قاپىدا دوروب، ساغ عاشىقدى بد دوعاسى برابردى (۴۰)! او دئدى؛ والله بزەتمەرىك! بو دئدى؛ والله بزەتمەرىك!

دئدىلر؛ چارە؟

قمبىر، دئدى:

ـ عم آروادى بير شئىدىييل، آرزينى منه وئر، من بزەدىرم اۆزونوا يوخسا ايندى اولنە كىيمى بو قاپىدا دوررام، هر كىيم بزەتسە اۆزونە، بددعوا باسaram، دردىنە بورارام اۆزونوا! آروادلار دئدىلر؛ قوى بزەتسىن، نه وار، جانىم عمىسى قىزىدى، آخى بال دئىيل بارماغلاسىن!

[عمى آروادى] دئدى:

ـ بويىنۇ قىريق گل بزەت.

[قمبىر] دئدى:

ـ بلى بلە بزەدىرم شرطدى، اونو تاخىم اىتدىكىجە بير اوپوش آلالام!

[عمى آروادى] دئدى:

ـ قىئىدى يوخدو آل.

اتكلىك گئيدىردى بير اوپدو عزيه (۴۱) گئيدىردى بير اوپدو جىلىققا گئيدىردى بير اوپدو بزەتدى، اۆزونو-گۆزونو اوپدو كچە اوپدو.

قىزى گئىتدىلر گلىنى، مملكت بير - بىرىنە وورولدو. تات اوغوللارى يئتىشدىلر، گلىنىن قولوندان توتىدلار آپاردىلار. قاپى يا. قمبىر چىخدى دئدى:

ـ آته ووردم قانترىمە

ـ قان ائدرىسم قورتارمە

٤٠ - آرزينى بزەتمەك هامان قمبىرىن بد دوعاسى (قارغىشى) هامان.

٤١ - عزبە: آلت گئىملىرىندەن. ائو گئىمى.

آرزویم مینن آتلره

آتی اولسون بئلسارمە (۴۲)

گلین، بسم الله دئدیلر، آلین قوبورلار دای-ین بئلنە ، دایا مینسین ، دای-ین بئلى ، اورتا
ئېرىندىن قىرىلى گلین قالىرى اسكمبىلىنىن (۴۳) اوستۇنده! قمبر بددوعا باسىدى اوزونه!
دئدیلر؛ نىچە اولو؟! اون دای گتىردىلر. ھر اونونا دا بددوعا باسىدى. بئلى قىرىلىدى اولدو.
دئدیلر؛ قمبر سىندىن چاره؟
دئدى؛ ھە بودو؟ قويىدەز دای گتىريم، اۋز دای-يىمى گتىرييم مينسىن، رشمەسىن من
چىكىم!

او دئدى؛ بابا دای اۋلسە نە وار، بۇ دئدى؛ نە وار؟ گلین بزەتمك كىيمىن بونو دا
اوزاتمايىن! گەتىدى اۋز دای-ین گتىردى طوپىلەدن. گلینى مىندىرىدى دايى. دايى-ين
رشمەسىن توتدۇ، گۆزو گورمور حرصىنن- حىدىتنن، داي بئله يېرىرىر [كى] گئرى دن
دابانىنى آردى قمبرىن، قونداراسىندان قان وئرىدى يازى يىا! (۴۴) آلدى قمبر، دئدى (۴۵):

هاننان قمبرىم هاننان

محبىتىن چىخىماز جاننان

دىزىگى نىن چىڭىر توت

دابانىم دولدو قاننان (۴۶)

قىز آلدى داي اوستۇنده :

۴۲- بئلسارماق: آغىر يوكىن بئلى قاتلاتىب يئرە او تورماق- ۴۳- كورسو، يەھرىلىك كىيمى بىر شەئى
۴۴- يازى= ائشىك، چۈل ۴۵- آذربايچان واريانتىندا قمبرىن قىچى چىخىر و آرزو دېيىر:
باغيما تالان گئلىپ
جانىمىي آلان گئلىپ
پېرىنە سالان گلىپ
قىنر قىچىن چىخىب دى
۴۶- آذربايچان واريانتىندا قمبر دوعا ائدىب گلەر ھامى نىن گۆزۈنە آت كىيمى گورونور. آما
آرزو قمبر اۋز اصلينىدە كى كىمى گوروب اونون آردى جا گىدىر . خالق ئەدىر آرزو آتا
مېننەپ گىدىر. آرزو دا قمبرە بئله دېيىر:

اوزنگى وى باس قنبر

نه توتموسان ياس قنبر

قىنر قنبر خاص قنبر

گۆرسون آرزو يېرىش يېرىر

هاننان قمبىرم هاننان
محبىتىن چىخماز جاننان
دابانىندان گلن قان
گلسىن شىرىن گوزمن

همن قمبىر دوندو، گلىنىن دوواغىن(۴۷) قالدىرىدى، آتدى گئرىي يە! باخدى، گلىنىن گوزنن آرخ كيمىن قان آنيرى! تات بونا قىزىدى - قايىن بابا - بير قامچى آلدى آلينه وئرىدى قمبىرى، قامچىنى اورگىينه، بىتلە ووردو، بىتلە ووردو آزدى اوزۇنۇ ائتدى لىش! قىز داي اوستىدە گوزنندن قان آتىرى اوغلان آشاغى دان قان آتىرى! دوندو قمبىر، ياندىغىنidan دئدى؛

تات اوغلو كولەجە (۴۸) بوي
ائىدىن خان آرزىيما توى
كرەسىن من آلمىشام
آيرانىن باشىنا قوى

قىز، داي اوستوندە، داها گئتىدى. دئدى؛ بى عىميم اوغلو قمبىر منى چوخ سئوردى، منه بلە بوحتان ائتدى بى مخلوقون اىچىنندا! دئدى:

ھە ئىيلەدىن - ئىيلەدىن
آلتىننىم پول ئىيلەدىن
سن منه دىيمەمىشدىن
نه اوچۇن بوحتان ئىلەدىن

آلدى قمبىر، دىدى:

ھە ئىيلەدىم - ئىيلەدىم
آلتىننى پول ئىيلەدىم
ھامىسى آغاچ زورىنان
سنه بوحتان ئىلەدىم

ئىتىشىدىرىدىلىر گلىنى قاپى يا، گلىنگىردى اىچرى يه، اوغلان قمبر، دوردو كوره كن گىلىن
قاپى سىندا، بىر بىدعا باسىدى، دئدى؛

مندىن اولان گئرى يه

گئتمەسىن ايلرى يه(ايىلى يه)

آرزويم گىرىن ئولرى

گئچە كۆلە بورى يه

قمبر گىتىدى، ياندىغىندان ھولۇندىن، بو گۆزلى قمبر، ساچىنىن، كشكولونون^(٤٩) بىر
يانى آلتىن اىدى، بىر يانى گوموش، بئله سىپ- سياھ^(٥٠) كسىلىدى! بو تات گىلىن
دامىنىن آردى شط^(٥١) اىدى. بو شطين كنارىندا آج سوسوز دوشدوا! داها عمىسى-
گىلەدە گئتمەدى. دئدى؛ مادام آرزويم گىتىدى قالىمادى، آللەين چۈلۈنو گۈزىم!
گئچە اولدو. تاتىن اوغلۇ گىلدى، آبدس^(٥٢) آلدى، بسم الله ائتىدى، گىردى پرده يه، اىكى ركعت پرده
ناماژى^(٥٣) قىلىسىن، ناماژلىغىن^(٥٤) اوستۇنده دوشدو اؤلدو!^(٥٥) ها گۆزتەلەدىلىر
چىخىسىن چىخمادى، چىخىسىن، چىخمادى. بىر زامان قاپىنى قىرىدىلار، گىرىدىلىر
اىچرى يه باخدىلار پرده اورتولۇ، گلىن او تاي دا، اوغلان بو تاي دا! [أئلە بىل] ايندى
اولمه يېب مىن اىلدى اولوب! دوندو تات دئدى؛ بو قىمبرىن بددو عاسى. بو گئچە من بو
قىرخ اوغلاندان واز گئچدىم! يا قويمام قمبر مورادىنە يئتىسىن، ياخود دا من بو قىرخ
اوغلانىن قانينا گىرم. لىشى قالىرىدى آپاردى، آيرى اودا دا اوزاندى، گئتىدى بىر
مختار، بىر امام گتىرىدى. دئدى؛ گل اوتور بو گئچە صاباحا كىمىن بىزدە، يا قىمبرىن
سۈزۈ اولو يى بىزم! كىسى اوندان كىچىك اوغلانا كېيىنىنى، دئدى؛ اوغلۇم، كېيىنىن سەنە
كىسىم. او قارداشىن اؤلدو، آللەين امرى دى، يا بو گئچە آللە قمبرە وئر، يا بىزە وئر!

^{٤٩}-كشكول=خورجون -٥٠-سىپ-سياھ= قاپ قارافارس سجادىر. سىپ-سياھ كسىلىدى؛ يانى

قارانلىقدا ايتىدى. ^{٥١}-شط=چاي، ايرماق (عربىچە دىر) ^{٥٢}-آبدس=آبستامازى، وضۇ.

^{٥٣}-پرده ناماژى=نيكاح ناماژى(مستحب ناماژى دىر) ^{٥٤}-ناماژلىق=سجادە.

^{٥٥}-آذرياجان واريانىتىندا قمبر كوره كن بئله بىر بددو عاسى و كۈرە كن اؤلور.

حاجت ناماژىن قىلاسان دستامازى آلاسان

سجدە دن دورموياسان ياكىنجى ركعت ده

اونا گېينىن كىسى. اونو دا سالدىلار ايچرى يە. اوغلان يئنه كىچدى ناماز قىلماغا، اودا اؤلدۇ! گۆزتلهدىلر اوغلان چىخمادى! گىردىلر باخدىلار اودا اؤلوب! باشىزى آغىرتماييم نه اوزاداق حىكايىهنى، قىرخ اوغلانىن او گئجه قانينا گىردى قمبر، قىرخ لئش اولدو. ساباح اولدو بىر سور دودوگى چالىنىدى. قمبر بىر بئله بدۇوعا باسيب، تاتىن هر قىرخ اوغلۇنا گېينى كسىلىپ آرزا نىن. هر قىرخ اوغلودا اؤلدۇ! آلى بئللە يەتىشىن لئش قالدىرماغا، تابوتو آپاراق موصلايا. قىرخ اوغلانى گۈمىدىلر [قويلادىلار]. تات دوندو دئدى؛ بو قىرخ اوغلاندان واز گىنچدىم، اماملا مختارا دئدى؛ منه كسىن گېينىن. كسىلىر قاينىن بابا يا گېينى! گىلدى قاپىدا دوردو، قورخدو، گىرمەدى ايچرى يە. دئدى؛ آرزا قىرخ اوغلومو بو تويا قويىدم، گېينى اۋزومە كسىدىم، سەن قىرخ گۆن ياس توت بو قىرخ كىشى اوچون. مندە قىرخ گۆن ياس توتوم بو قىرخ اوغلوم اوچون. قىرخ گوندن سورا گللم سەن دەئىهرم. آرزا جاواب وئرمىز، آللەدان بىر بئله گۆن اىستيردى. هئى آغلىرى. قان آتىرى گۆزىنەن! قاينىن بابا گىندى، او توردو آىرى بىر اودادا، دوشۇنور باشينا گلن ايشى كى نئجه ايشدى، بىر قىز بىلى قىرخ اوغلومون قانينا گىردى.

قىز بش گۆن، آلتى گۆن اورگىنە بىر بئله سىخىنتى قالدى، دئدى؛ يالله-يالله سىچىم تاتىن باپاسىنىن دىنيينه، قالخىم بىر داما چىخىم، آزىلدىم بوردا قان تۈكمىدىن! باخدى شطىن كنارىندا بىر دته بئله گلىرى بئله گىنچىرى، سىپ-سياھ كسىلىپ پوشى (۵۶) كىمین آللە دئمە يە طاقتى يوخىدۇ! قمبر باشىن قالدىرى باخدى، آرزا دامدان باخىرى دئدى؛ باخىم آرزا نىن منىملە او محبتى قالمايىب، بىر سوروشوم اۋزوندىن باخىم منه نە دىيەر؟! دئدى؛ قىزا كى:

ـ هن اۋزومو شطە آتىم؟

[آرزا] دئدى:

ـ آت، آتسان، آتمايسان جەنمە!

اوغلان دئدى:

ـ آرزا منه بئله دئىرسىن؟

اۆزون آتدى شطه! آناندا شط، جومدوردو اۆزونو. سىلکەندى قىز، كشكۈلوندان تانىدى.

دئىدۇ ئى، بو قمبر ايمش اۆزونو آتان! قىز دئىدۇ:

غرض اۋلەسەن عرض

يار ألىمىزدىن دوشدو ساز

قىمبرى شط آپاردى

يئىتىش ياخىدرالياس

خىدرالياس گىلىدۇ، قىمبرى سودان چىخارتدى قويىدو كىنارا. دوندو قىمبر باشىن

قالدىرىدى، دئىدۇ آرزو بىسىدى داها عاشيقىلىقە- ماشىقىلىقە اقتدارىم قالمادى. باخ نە

شكىلدىن چىخدى منم كىيمىن جمال، هندى اولدوم، آغا جىيىمدا قورو دوم، جانىمدا بىر

مئقال آت قالما يىپ، گل آشاغى يا، او تور شطىن قىرغىنىدا، نىچە گۇندۇ نە يئمىشىم نە

ايچىمىشىم نە ياتمىشام نە دور موشام، بو شطىن بويوندا گل-گئىت ائدىرم! باشىمى قويوم

دېزون اوستوندە بىر يوخو آليم، بو كەرە اۆزومە بىدۇ باساجاڭام!

[آرزوی] دئىدۇ:

- آخى تاندان قورخورام.

[قىمبر] دئىدۇ:

- تاتدان قورخوسان؟!

[آرزوی] دئىدۇ:

- يوخ، يوخ، آتما سن اۆزونو شطه، او دو گلدىم.

قىز قاچا-قاچا دامدان آندى آشاغى يا. اويانا باخدى، بو يانا باخدى، چىخدى قاپى دان

قاچدى گئىدى، دېزىنى ياسىلادى. دئىدۇ؛ آرزو، بىر كز بو باشىما باخ، باشىنا آرزو

باخىرى، دېرناق چالىرى، [قىمبر][آلله] يىن امرىن بىتىرىدى، دئىدۇ؛ ياربى! داها عاشيقىلىق

ائتىمە يە طاقتىم قالمادى، آل امانتىن! (۵۷) قىمبر اۋلۇ. قىزىن دېزى اۆستە! ساغ عاشيق

ايدى. دوعاسى قبول ايدى. قىز «ددم واى» ياتدى! دئىدۇ؛ «نىچە اولو قالخميرى

يوخودان، بىلىمیرم نه ائديم بىر ساعت اولدو، ايکى ساعت اولدو، «آرزى دئىرى؛ «ايندى تات گلىر منى بوردا گۇرسە ئولونجه چالار. بىلىمیرم نه ائديم؟!». اوياتىدى، قمبىر، قمبىر، باخدى قاخمىرى. بىر داش چكدى، بىر كرپىچ قويido باشى آلتىنا، باشىن قويisون اۆستونە، اۆزو قاچسىن گئتسىن ائۋە. «واي» دئىدى، «اوزوم قره اولا ايدى، بونون باشىن داش اوسته قويidم، ايندى بو يوخودن اويانسا، باشىن داش اوسته گۇرسە اۆز-اۆزون اۆلدورر. نه دى تات منى وورماسىن؟ قوى تات منى وورسون، پوخ اولسون تاتىن اۆلدورر. اوياندى قمبىر، قمبىر، باخدى، قمبىر ايندى اولەمەيىب مىن ايلدى اولوب! دئىدى؛ «های-هاوار، بودا گئتدى، اۆز-اۆزونو اۆلدوردو! من ايندن [بوندان] سورا گىنديم تاتا آروادلىق ائديم؟!». قويىنون - قولتوغۇن آختاردى باخدى بىر قلمتراش! قىز اۆز اورگىن سالدى، بوردان يېرىتىدى قارسىيغىنا ىدرا! لېشىنى آتدى قمبىرىن لېشى اوسته، دوشدو. او قارى دان خبر آل، توربە باشينا حالوا چۈرك گتىرىدى، آلداتدى قحبە، بونون عسگە - لشگرىنى دوندردى، او گلدى، دئىدى؛ والله قالخىم گىندىم باخيم تات گىلده آرزى نه ائدىرى قمبىرسىز! گلدى تات دان سوردو، دئىدى:

-تات! هانى آرزى؟

دئىدى:

-اودو دا، ايچرى ۵۵.

گيردى دئىدى:

-تات! هانى اودا دا يوخدو! آرزى بلکە چىخىپ داما!

چىخدى داما

قارى دئىدى:

-وى، خنایا باتاسان تات!

دئىدى:

-گل باخ آرزى ايلە قمبىر شط كىنارىندا ياتىسلار. بىر آل يورغان اورتىسلا! تات قىلينجىنى سىيىردى، چىخدى دامدان باخسىن، نه گورسۇ؟ باخدى قمبىر گرچىكىن اولوب، آرزى دا اۆز-اۆزون اۆلدوروب، لېش دوشوب لېش اوستونە! دئىدى:

-هی ساچی-بوچی قحبه، اولدن سن بونون عسگرین- لشگرین دوندردون گئرییه، بو ساغ عاشيق ایدی، منیم قیرخ اوغلومون قانینا گیردین! بو اولوب، او اولوب، هله دئیبرسن شط کناریندا یاتیبلار، بیر آل یورغان اورتوبلا!
همن قیلینجینی وورماقلاء قارینین بوینون آتدی.

بو قارینین قانیندان ایکیسی نین توربەسى آراسیندا بیر دامجى قان آتلانیب، ایندى ایکسی نین آراسیندا بیر چاغیر تیکان اولوب، هر ایل-دئییر- او چاغیر تیکانى كسرللر. بیر ایل باتماز-دئییر- بیرده گؤبىرى! قیامتده ده قویمادى(قویما ياجاق) قلاوشىپىنلار
بو قارى!(۵۸)

۵۸-رحمتلى بئپىكبابام بو داستانى روایت ائدردى. كىچىك اولدوغوم اوچون ساده جه يادىمدادىر بويوك بابام داستانين سونون بئله بىتىردى: «هر ایل بو ایکى سئوگىلى نين قېرىلەندىن گول بىتىر. گوللار آچىلىپ بىر-بىرىنە قوشماق اىستىر آما اورتادا قارى نين قېرىلەندىن چىخان تیکان بونلارين قۇوشماسىن گىسىر.

٢-جى بؤلوم

آنادولو واريانتى

آنلاتان:؟

دەرلەين:؟

باسىم يېرى:؟

باسىم زامانى: تخمىنا ٣٠٠ ايل بوندان اول.

اورژینال مجموعه‌نین اوْن سؤزو:

«ایشبو تووتر ايله مشهور و متعارف اولان عاشيق كرم ديوانى نين تكميل نوسخه‌سى و
كناريnda بين الناس مشهور اولان "آسمان ايله زيجان" و "عرضو ايله قمبر" و "عاشيق
عمر" -ين ده بعضى ادبیات و اشعاراتى جمع و ترتيب اولموشدو.»

راویان اخبار و ناقلان آثار شوپله روایت ائدرکی زامان اولده خوراسان دیاریندا بیر مملکت وار ایدى بو مملکت بىگلریندن خواجه بهرام ناميندە بىر عنقا^(۵۹) بازرگان وار ایدى بازرگان باشى اولوب غايت مالدار ایدى. عجمده، رومدا و هيندوستاندا چوخ اور تاقلارى وار ایدى. مالى نىن حئسابىنى بىلمىزدى. چوخ فقرا و يئتىملره يئتىشىن و سئويندىرىن ایدى. بونون دونيادا اىكى اوغلو اولوب بىرى باباسى نىن كاتىبى و دىكىرى هنوز خوجايا^(۶۰) گئىدردى. بىر گون بهرام بىگ حجه گئتمك نىت ائدبى بؤيووك اوغلۇن يئرىنە بوراخىب كىچىك اوغلو ايله حرمين برابر گتىردى. بىر گون بهرام گئىدركىن بىر تاخىم حرامى لره تصادوف ائيلر اطرافىنى آلىب ماللارىنى و جانلارىنى تلف ائدبى بىر جوجوق بىر خدمتكار قالار. خدمتكار بىرىنە يالوارىب «شو معصوم ايله منه منه قىيمىما! آزاد ائدين» دئدى. حرامى لره بونلارى آزاد ائتدىلر. خدمتكار جوجوغۇ، آذوقسىنىنى آلىب بىر سو باشينا گتىردى. بونلار آغلاماغا باشلادى. بويله آغلاركىن بىر آدام ظھور

۵۹- عنقا: بويوك بىر قوشدور. بورادا بازرگان ايله برابر گلمىسى بازرگانا بؤيووكلوك صفتى قازاندىرىر- بؤيووك تاجير، بؤيووك بازرگان.

۶۰- خوجا-يا گئىدردى؛ مقصىد مكتبه موللا يانينا گئىدردى. خوجا=اوستاد

ائديب بونلاري سوال ائيله‌دري.

بونلاردا احوالى خبر وئردىلر. او جوجوغۇ آلىپ گئىتدى. ائويينه گتيرىپ حرمىنە ايشى آنلاتدى. جوجوغۇن اسمىنى قمبر و قىزى اسمىنى آزو قويدولار. بىر-ايکى سنه‌دن سونرا چاوش وفات ائديب آرزى ايله قمبر يئتىم قالدىلار. والدەسى بونلارى خوجايا [اتاپشىرىدى] (٦١) بىر قاج سنه اىچنده بو قىز او قدر اوخدودوقدا جومله جوجوقلار خليفه اولدو. (٦٢) قنبر درمند ده برابر ايدى. أما بونلار اون اوج ياشلارينا گىرمە يە باشلادىقدا او زامان آرزى قمبره سۆز آتىپ محبت ائتمە يە باشلادى.

قمبر «قىز سن دلى اولدۇن، سن منىم قارىنداشيم. [قارىنداش نىچە سئوپىلرمى؟]» دئدى.

قىز «سن منىم قارىنداشيم دئىيلىسن! اگر قارىنداشيم اولسايدىن بو قدر گونلۇم سنه دوشمزدى» دئدى.

بونلار خوجا-يا گندىب گلىرىدىلر. بو قىز او قدر مشاعر (٦٣) اولدۇ كى او خوماغى اونوتىدۇ. خوجاسى باخدى كى قىز اوڭكى قىز دئىيل. خوجا دئدى؛ «قىزىم سنه نه اولدۇ؟ اصلى نه دىر بو حالىن؟»

[خوجا] دئىيىكده آرزو دئدى؛ قمبره عاشيق اولدۇم!

[خوجا] «اوileه ايسە منىم يانىمدا سۆز آت باخالىم نه دىر!» دئدى.

آرزى دا قمبره سۆز آتىماغا باشلادى.

قمبرده «سوس كى يئتر» دئىيىكده خوجاسى او زامان «قىزىن خاطرینا توخونما يوخسا سىنىن عوضىن چىخارىم» دئدى.

سونرا قمبر چارهسىز سكوت ايله‌دري.

آرزى دئدى؛ آى قمبر من سنى سئوپىرەم، سن منى سئومزمىسىن؟ اگر

٦١- كىتابىن بعضى يېرلىرىنده جومله يارىمچىلىق قالمىشىدى.

٦٢- خليفه اولدۇلار؛ بىلگىن اولدۇلار. ٦٣- مشاعر اولدۇ: مقصىد احساسلى و عاشيق اولدۇ.

سئومزسن اوز-اوزومو هلاک ائدیرم.

قمبر دئىد؛ آى آرزو ائوه واراليم آنامىزدان بىر خبر آلاليم اگر قارداش ايساق اولمار، دئييلىسك مندە سنى سورم!

[بويله] دئيىپ عهد ائتدىلر. بونلار آزاد اوlobe ائوه گلدىلر گوردولر کى آنالارى خمير يوغورور.

آناسى دئىد؛

-قىزم آلىم خمير اىچىندهدىر منه بىر سو گتىر.

آرزو قىربانى^(٦٤) آلىپ سويا گئتجك قمبرده والدهسىنىن^(٦٥) مەسىينه سارىلىپ آممە يە باشلادى.

[آناسى] «نه اوچون أميرىن؟» دئيىپ غوغایا باشلادى. والدهسى «ائتمە اوغلۇم سۆز قىزىمەن كىدىر. سن اوپىر ايدىن» دئىد.

آرزو سويا گئتدى. بىر آزدان آنلاتدى والدهسى «يندى اوغلۇم قىز گلمەدى هاردا قالدى؟ واراياق»

قمبرده آلينه بىر بوجراجى^(٦٦) آلىپ گئدركى آرزو باخدى کى قمبر سويا گللىر ھمن بىلەزىگىن چىخارىپ چىشمە اوزرىنە بوراخىپ دوندو قمبر ايلە موقابىل اولدۇ. قمبر دئىد؛ آرزو بىر مىقدار أىلەن مندە بوجراجى دولدوروم برابر گندك. قمبر چىشمە يە گللىپ باخدى کى بىر بىلەزىك وار. ھمن آلىپ بوندان ائوه يىغار اولماز دئيىپ قوبۇنا قويدۇ.

او ساعت قمبرىن درونىنە آتش عشق دوشوب بوجراجى دولدورماغا تحملى قالمادى. آرزو نىن يانينا گللىپ «آى آرزو سن بو قدر بىتلر سۈپەلىرىن منەدە ئۆپىرت مندە سۈپەلىيىم» دئىد. آرزو «بويله اولماز آغزىنى آچ تۈكۈريم منىم عشقىمدەن سەنەدە نصىب اولسۇن» دئىد. قمبر آغزىنى آچىپ بىر- بىرلىرىن

٦٤- والده: آنا. عربىمەدىر.

قىربىا: ذرى دن دوزلمىش تونگە بنزىر سو قابى

٦٦ - بوجراج: بىر جورە سو قابى، كۆزە.

قمبر آغزىنى آچىب بير-بىرلىرىنىن آغىزلارىنا تؤكىر دولر اىكىسىنەدە شاعىرلىك
نصىب اوaldo. آرزو قىصدا" باخدى كى بىلەزىگى يوخدور او واخت آلدى آرزى
باخالىم نە دئدى:

قىربامى سويا سالدىرىدىم

دولدومى دئىيب قالدىرىدىم

سنه دئىيرم جانىم قمبر

من بىلەزىگىم سالدىرىدىم

آلدى قمبر:

أئينىزه وارمادىم

غونچە گۆلون درمهدىم

سنه دئىيرم جانىم آرزى

من بىلەزىگىن گۈرمەدىم

آلدى آرزى:

آغ قوبيون گۈزلىدىر

منىم يارىم شىرك سۈزلىدىر

بىلەزىگىن اۆستوندە

طليسىم يازىلىدىر.

آلدى قمبر:

ايگىدلرىن مىدانە

عاشيق گلىر مئيدانە

من آرزىنىن يولوندا

قويدوم سرىم مئيدانە

دئىيب ئولرىنە گىتدىلر.

بىر گون قمبر حى بولوغا چاتىپ آرزي قمبره نازا باشلايىپ اوزونو اخفايىه^(٦٧) چكدى. قمبره بئچارا عشقىلە آشقتە اولوب مىست و حىران اولدو. أما آرادان چوخ زامان مرور ائتدى. بىر گون آرزي آناسىندان اىزىن آلىپ بىر باغچا قوبوسونون اۇنوندە كى صحرادا ياتىپ اوپىور. آرزي خانىن صبر و قرارى قالمايىپ ضرورى وارىپ قمبرىن باشى اوجوندا[اوستوندە] او توردو، بو بىتى سؤيلەدى.

آلدى آرزي:

شافتالى آغاچلارى
دولو چىچك باشلارى
قورولو يايا بنزىر
قمبريمىن قاشلارى

دئيهرك آه ائدركىن دردىمند قمبر اويانىپ گۈرددو كى آرزي خان باشى اوستە او تورور. قمبر جان ايلە قالخىپ آرزي ايلە موصاحبته باشلادى. گاه محبت، گاه حسرت، اشتىاق گونه گون، ناز و نيازدا اىكن بعضاً "كىمسەلر گلىپ صؤحبىلىرىنە مانع اولدولار. بئچارا قمبر طنبورھسىن^(٦٨) آلىپ مجنون كىمى داغلارا دوشدو. قىزىن عشق و سىنۋاسى ايلە فرياد ائتمەيە باشلايىپ بو بىتلرى سؤيلەيىب.

آرزومنون بولبول دلى
ديوانە قىلدى منى
بىر داها گۈرسىم اوزونو
فدا قىلارام بو جانى

گئجه - گوندوز دايما آغلىرىدى. قمبرىن عشقىنى اصلا يئننمەيىب يئنه شەرە گلدى آرزي نىن محلەسىндە دولاشىردى آه ائدىپ گىركىن بىر آدام گلىپ

-٦٧- مقصد؛ آرزي قمبره ناز ائدركىن تو توق و ئىرمەدى.

-٦٨- طنبوره: تنبور = بىر جورە ساز. بوردا مقصد قوبۇز

آرزوی خانا خبر وئردی. باباسین نین بیر پنجره‌سی وار ایدی گلن-کئچن آنلانیردی. قمبر آناسینا دئدی کی؛ «بیری قاچ گون گئدیب بو پنجره‌ده آیلینیم» [قمبر] آدئیه‌رک گئتدی. پنجره کناریندا بیر چشمە وار ایدی. آیله‌ندی [قمبر] آرزوی نین گلمه‌سینه منتظر اولدو. آرزوی دا گلیب اسیر عشق اولان قمبره استقبال ائدیب بو بیتی سؤیله‌دی.

چرخ قمبریم گلدى

موشك عنبریم گلدى

واجیبدیر فارشینا واراماق

عاشق قمبریم گلدى

قمبرده آرزوی خانی گوردوکده عملی عاغیلی گئدیب مست و حیران اولوب قالدی. بیر زامان سونرا اوزونو توپلاییب بو بیتی سؤیله‌دی. آلدی قمبر دئدی:

آرزوی هنج تانیماز می‌سین

سئودیگیمی بیلمزمی‌سین

با خالیم، آنیب اود ياخدي

سلامیم آلماز می‌سین

آلدی آرزوی:

قمبریم، نورقیندەدیر

حقه لاییق بندەدیر

گۆزلریم رقیب گۆزلر

قولاقلاریم سندەدیر

بویله دئییب بیر آز اولدوقدان سونرا صوحبتە باشладیلار. آى قمبر نه اوچون صبرسیزلىك ائدیرسەن زира عملین باشى صبردىر. دردمند قمبر آرزوی نین آليندن يايپىشىب اۋېمك ايستەدى. آرزوی خانىن حوسنونە باخىب باغبان اولوب باغچا

شافتالى سيندان موراد ائدib. آرzi خان فورصت گؤزلەيib قمبىرde زور ائدib آرzinى بارماغىندان اوزوگونو قىردى. آرzi خان آشفته، دردمند قمبىرين اوزونه باخىب بو بىتى سؤيلەدى. آلدى آرzi:

قمبىر نه عجب جانسىن

گونلۇم ايچىننە سولطانسىن

اوزوگومۇ نه اوچون قىردىن

ايکى قوللارون قىرىلسىن

دئىيب جىناس ايلە لطىفە ايلەدى. بو سۆز قمبىرين وېجىنە گئىدib آرzi خان دا نادىم اولدوسا قمبىر كوسوب گئىتدى. آرzi آه ائدib آغلاباراق بو بىتى سؤيلەدى. آلدى آرzi:

آه ائتدىم اوزوومە

آلەم ووردوم دىزيمە

كوسدوردوم قمبىريمى

آرتىق باخماز اوزوومە

دئىهەرك اوزونو دونوب ائۋىنە گلدى. قمبىرde ائۋىنە گئدركىن دوشوب قولو قىرىلەنى. بايلىپ سونرا آيىلىپ ايسە قالخدى بو بىتى سؤيلەدى:

يارەلەي اولدو قولوم

كىمىسە بىلمىز منى حالىم

وارون سؤيلەيىن منىم حالىم

آحىلسىن آرzi خانىم

بىرده آرzi نىن معصومپاشا نامىننە بىاز قارداشى وار ايدى. بونلارين احواللارينا واقف ايدى. قمبىرden سوال ايلەدى. آرzi دا ماجرانى بىيان ائدib آ Glamaga باشلادى. همن معصومپاشا اطرافى آرماغا چىخىب گوردو كى قمبىر آتدان دوشوب ياتىر. هنوز عاغلى باشينا گلمىش آلىپ خانەسىنە گتىرىپ قولونو

سارىپ و گلىپ آرزوی يا خبر وئىدى. «اگر مومكۈن ايسە خاطىريين سئومك باهاناسى ايله گل گوروشونه» دئدى. آرزو خانىن عاغلى باشىندان گىنىدېپ فرياد و فغانە باشلادى.

معصوم پاشا ايله گلىپ گوردو كده قىمبرىن قولو قىرىلەميش آجىسىندان، بىھوش ياتىر، آرزو خان دا «نه او لايدى دىلىم قورويا ايدى» دئىنهنە [قىمبرا] «آمېنلە» دئدى. بىردىن قىمبرىن عاغلى باشىنا گلىپ گوردو كى آرزو خان باشى اوستوندە أغلىپ. ھمن اۆزۈنۈ چئورىپ بۇ بېتى سۈيىلەدى.

آلدى قمىرى:

شهرىمېزىن آدى روائىل
بويىلەمى او لور قول
شىمدىن سونرا اىستەمم
گۈزۈم اۇنۇندىن ساۋوول

آلدى آرزو:

يئل كىيمى كىچرم
زولفوندىن تئل كىرم
معصوم پاشا پىچاق وئر
بارماقلارم كىرم

آلدى قمىرى:

آرزو دونن جنگارى
گل ائتمە بۇ دعوانى
قصدىلە مى سۈيىلېرسىن
اولدۇرمەگە قىمبىرى

آلدى آرزو:

يئل كىيمى اسەيم

من سنه کوسه یم

نه دئیرسن جانیم

بارماقلاریم کسه یم

آلدى قمبر:

ترکه‌سی نین او جو ساچاق

سئورسه منی گرچك

قاربنداشی بونا وئر پیچاق

عجب کسرمی گرچك

آلدى قمبر:

هئی قمبریم قمبرم

مشک ايله عنبریم

بیر بارماغیم نه اولاچاق

من جانیم قئیاریم

دئدیکده آلینه پیچاغی آلیب بارماقلارین کسمه یه باشладی. ائلله کى قان روان او لدو. آرزوی نین بير زاماندان سونرا عاغلى باشینا گلیب والدھسیندن خبری يوخ ايدي. قمبرین اوغرۇندا بارماقلارین کسمیش دئیب دردمند بىنچارا فرياد و فغان يئریندن قالخیب و قىزى سويماغا باشلدی. آرزوی خان «اى والدھ نه اوچون بويله عاشيقلىين حالىندىن بىلمىسىن. سەنین باشىندان عاشيقلىق كىچدىمى؟» دئدی. [آناسى] «ايندى بو انتدىگىن ايشلره نه دئيرسن بىزى رسواى عالم ائتدىن» دئىينجە آرزوی بو بىتى سؤيلەدى. آلدى آرزوی:

قمبریم جانلار جانى

سو اىچىمدىر سئومك آنى

من جانیما قىياردىم

بارماغیم کسمك قانى

آلدى والدەسى:

قىز قانى اۆزۈن سوپى

رسوا ايلەدەين منى

تئز ئىوه گىئدلىم

گور نه ائدرەم سنى

آلدى قىز:

بارماغىم بوياندى قانە

قول موطىع اولماق گرک خانە

قىمبرىن عاشيقىيەم

ايىشته بويىلە بىل آنه

آرزى خان والدەسىنە بىتلە جاواب وئرىنجە درەمند والدەسى دئدى:

برە باشى ساچى قىسە

جانىيم توتدى تاسە

من دويون ائدرەم دئيركەن

دويونوم دوندو ياسە

آرزى بو كلامى ائشىدنىجە والدەسىنە جاواب وئرمك اۋچۇن بو بىتى سؤيلەدى.

آلدى آرزى:

گول ايستەدىم تاس ايلە

يارى سئودىم جان ايلە

منى ياردان آميرانىن

عومرو كىچسىن ياس ايلە

دئدىكده آناسى باخدى كى قىز آليشان فيتل، بو قدر نصحيت دئدى هئچ بىرى

كار ايلە مەدى. آلدى قمبر:

سيزميسان سيرداشىما گۈزۈم

والدهسى گوردوکده بونلار بير- بيرلiele آلميشلار وئرمىشلر سۆز کار ائتمىز. ائوه گلىپ بير قوزو بىشىرىپ اىچىنه زهر قويدو «قىزىم ساخىن قمىرلە يئمك يئمه عىبدىر!» دئدى. آرزى بو احوالى ائشىدېپ بو بىتى سؤيلەدى. آلدى آرزى:

سۇئومە قىمبرىم سۇئومە
سۇزۇندىن آصلا دونمە
اۇنوندە كى قوزويا
شكى قاتسالار يئمە

آرزى بويله دئدىيىكده قىمبرىدە آرزى خانىن بو سۇزۇن ائشىدېنجه مادەنин نه اولدوغۇنو آنلايىب قوزۇنۇ يئمەدى. صحرالارا گئدىپ آيلەنيردى. آرزى دا آردىنا باخىب «گل قىمبرىم منه جور جفا ائتمە! سنين عشقىن منىم جىيگىرىم كاباب ائيلەدى» دئدى.

قىمبر بو جاوابى ائشىتىدىكە او واخت آلدى قىمبر:
جاوانام گاهى دليل
گاه شاد اولور گاه مليل
سنه وئردىيگى عشقى
منه ده وئردى جليل

بويله دئدىيىكدىن سونرا آرزى ايلە ساز- سۇزە مشغۇل اولدولار و بير- بيرلرىنىن اۋىزلىرىنه باخىب حيران اولدولار. آلدى قىمبر:

تىللەرى درىيا قىمبرىن
قورتارمىسان عنرىن
كۈكسۇندە كى دويمەلر
قىنیمیسى دىر قىمبرىن
آلدى آرزى:
بەها ائتمە دويمەلرى

پاره سن ائتمە دوييمەلرى
ايکى كۆكسلر بير اولونجا
چىركىرام دوييمەلرى

بويله دئدىكده قىز، [قمبر] «گل سنله معنا درياسينا دالىب گوهر چىخارىيم.
سن سوالىما جاواب وئرا!» دئدى
آلدى قمبر:

يئمىشلرده گۆلسوز نه دير
حيوانلاردا دىلىسىز نه دير
ايىدى خبر وئر منه
آى ايله گۆنسوز نه دير.

آلدى آرزى:

يوخدو بالىغىن دىلى
يوخدو انجىرىن گولو
هاروتلە ماروت(٦٩) دير
بىلمىزلەر آى ايله گۈنۇ

آلدى قمبر:

عقلىمى آلدى باشدان
گۈزلىيم گۈرمىز ياشدان
گل منه خبر وئر
كىيم-كىيم دوغدو قره داشدان

آلدى آرزى:

٦٩ - هاروت- ماروت: ايکى ملك دىرلر. بو ملكلر بنى اسرابيل طايfasina سئحر و جادى اؤيرتمك اوچون گورهولى اولموشلار. أما خالق سئحرى اؤيرنىپ پىس يوللاردا قولاتىلار و تانرى غضبىنه معروض قالىرلار. (بقره سورهسى)

اوزندىم سنسىز ائوه
جاواب آل سئوه-سئوه
قره داشدان دوغانلار
تۇووز قوشۇ ايله دوه

آلدى قمىز:

تىكىرو اولدوقدا قاضى
سەندىن حقيقىمى آلدى بعضى
آفرىين آرزى خانىم
خوش ايلەدين بو رازى

آلدى آرزى:

نىيل ايرماگى سو باغلاماز
سودا باليق بوجولماز
سوالىينه جاواب بودور
كز قاطر دوغورماز

بويىله دئدىكىدن سونرا آخشام اولدو. آرزى خان ائوينه گلدى والدەسى نصىحەت ائىيرىدى. «عالىم اىچىنде رزىل اولدوق» دئىيە «واز كنج! سى بىر آيرى آداما وئرىيم!» دئىي. آرزى ياخلا نصىحەت تاثير ائتدىرمەدى. بىر اشناھ بىر كىمسە آرزىنى آلماغا طالىب اولوب والدەسى نىين جانينا مىنت اولدوغۇندان آرزى نىين باشىينا دونيا تار اولدو. قىمبرى ايله آيلەنيرىدى. گئچەلرى آه و فرياد ائديب گۆندۈزلىرى شاد و خىندان اولوردو. بويىله بىر مودت كىچدىكىدن سونرا بىر گۆن آرزى خان سئوگىلىسى قىمبر ايله اولاراق كورەكىن طرفىنдин آداملار قىمبرە خېر وئرينجە آرزى خانىن جانى باشىينا سئچرايىب فرياد و فغانە باشلادى چارە بولمايىب قاضى يە حالىنى آنلاتدى. والدەسى و قونشۇلار يانينا گللىپ وافر نصىحەت ايلەدىلر. آخر كلام عقده قرار وئىrip بعد نكاح ائيلەدىلر. ايستە[بو دەم]

«دردمند آرزوی خان مست و حیران دیوانه اولوب آغلایاراق چاره‌سیز ملول
محزون و مکدر اولدوغو حالدا دویون خلقی نین گولوب اوینادیغینا ماپوس اولوب
آه اندرک بو بیتی سؤیله ییردی:
آه...آه...آه...آه
آلدى آرزوی:

هئى دویون بو دویون
باغریم اوزدو دویون
هر کس گۆلر اوینار
منیم یاسیمدیر بو گۆن

دئدیکده قمبرده [قاضی یه] بئله عرض حال وئریب آمان افنديم سیز بیلیز دئیه
آیاغا دوشوب من ده [داستاندا سیزه] عرض حالی اوخدوقدا [کی کیمی] دردمند -
ین احوالینه واقیف [اولدو. قمبر] عشقیندن باشینا گلمیشی دئدی. [قاضی]
زیاده‌جه آجیدیغیندان حالینا مرحمت ائدیب درعقب یانینا آدام قاتیب وارون
او قیزین والده‌سی تکدیر ائدیب! (۷۰) قیزی ایشبو [همین بو] قمبره آلیب
وئرین. هر نه مصادف اولورسا من تسويه ائدرم.» دئیب بیر چاوش ايله
قمبری ده گوندردی. قمبرین حالینا افاده ائدیب فرمان آلینجايا قدر آراسیندان
چوخ ایام کئچیب نیکاح و دویون گورولوب بیتدى. بونلار شهره گلیب باخدیلار
کی بیر قاری زرده‌پیلو آلماش گئدر. چاوش دئدی؛ «والدە بونو نرهدن
[هاردان] آلدىن؟»

«آرزوی خان دئیپلر بیر قیز وار اونون دویونوندن آلدىم» دئدیکده دردمند قمبر
ده بونو ائشیتیدیکده جیگری پاره-پاره اولوب عاغلى باشیندان گئدیب بى هوش
اولدو. چاوش شهرین بگینه گئدیب «فرمان ورلیم آرزوی خانی سنه آلاییم!»

دئديكده قمبرده چاوش دان بو خبرى اشيدنجه دئدى؛ «بيزيم طالعيميز يوخدور او شيمدن سونرا غيرىنин دير! ناسيل ائدك؟! [قىزىن آرى] اورتىن منه لاييق گورسون؟ شىمىدى منه لاييق دئيىلدير! بير قاج گون [اول] اولسايدى [بىر ايش گورمك اولايدى] آمان آتاشىمىدى، منيم سببىمە بير آلاھى آداملارى يىجتمك رومى دير؟ بونا صبر گركدير باخالىم آيىنه دووران نه صورت گؤسترر!» دئيب طببوره سيندن آلپ آغلاياراق آرزي نين يانينا اوتوردو. آرزي قمبرى گوردو كده مىست و لاعقل اولوب آلىنى اوزونه قوبوب آغلادى. درمند قمبر آرزىنى بويله آه ائدر گورددو كده بونو سؤيلەدى:

آلدى قمبر:

آل قوفتانى بويونجه
چالغىجىسى او گئتجە
تئز يارىن اۆزۈنۈ
گوروم آرزمى گۈرنجه

اويله دئديكده

بئچارا آرزي خان قمبرين بو سؤزلرين اشيدنجه باخالىم نه سؤيلەدى:
آلدى آرزي:

دوغرۇيۇم تىڭىرى حقى
سنسىن جانىمىن جانى
عمروم گۈنۈم توكتىسىن
اولورسام سىنە عاصى

بونلار بىر - بىرلىنە ناز و نيازىدە اىكىن دويون خلقى گلىن آلماغا گىلدىلر. همن قمبر يئرىندىن قالخىب طببورەسين آلىنە آلپ آرزي خانىن سئوداسى ايله درونى جوش ائديب باخالىم نه سؤيلەدى:
آلدى قمبر:

مادر کیشی چیخسین آرادان
 قئیدیمی گورسون یارادان
 بو دردلره کیم قاتلاییر
 اوژوم سنده آرزی خان

آرزی خان فریاد ائدرک آغلاماگا باشلادی. والدهسی یانینا گلیب دئدی؛ قیزیم
 عاغلینی باشینا تاپشیر. آلیم چکمه! من سنی حالا بوراخیم ایندی بیر کره
 بونلار!! نه چاره؟ بیر شئی دیر اولدوا آف، بیزی بیر کَرَه گولدورمهدین!
 آرزی خان آناسیندا بو سؤزو ائشیدیب همن اوژون چئویریب بو بیتی سؤیله‌دی
 آلدی آرزی

کؤزلر یاره‌لریم
 اؤز- اوژومو پاره‌لریم
 بوددور آز غیریتیم
 من اوژومو قاره‌لریم

آلدی آناسی:

چوخ سینامیشام اوژون
 دوغرو سؤیلرسین سؤزون
 قیز منی اوتناندیرما
 آغ اولسون اوژون

دئدیکده آرزی خانی دیشاری [ائشیگه] چیخاردیلار. بئچارا دردمند قمبرده
 آرزی خانین اۇنونه دوشوب گئدیب آنا خیطاب ائدیب باحالیم جان و دلدن نه
 سؤیله‌دی:
 آلدی قمبر؛

نه گؤزل آت سورارسین
 منم ضرریم آرارسین

آرزى سنه اmant
 قاتى نازىك تو تار ميسان
 دئيىكده قمبر آتىن او زنگى سينه يايپيشىب با خالىم نه دئى:
 آلدى قمبر؛

هئى زنجيلر زنجيلر
 سرخوش اولون چنكيلر
 آرزى خانىن تو بوغون
 اينجىتمە يىن او زنگى لر
 بونلار دا آرزى خانى آتا مىندىرىپ برابر جە گىتدىلر. آلدى قمبر؛
 آرزى خانىم آتلاندى
 او رك نئجه قاتلاندى
 آرزى خانىم نئيليم
 ايشه زامان تۈكىنى
 آلدى آرزى:

مورادىمە ايرمەيم
 من بىر دنه خرمائىم
 مورادىمە ايرمەيم

دئيىكده دردىمند قمبر بو بىتى سؤيلەدى:

يئل آسر قوم تۈرەلىر
 دۆنья باشىمە چئورىلر
 سنه دئىيرم آرزى خانىم
 يول بورادا آيرىلير

دئيىكده بىرده كورە كن قارشى گلر ك زىادەسى جانى سىخىلىپ دردىمند
 قمبرىن

دۆنیا باشینا زیندان اولوب آرتیق مجالی قالماپیب گئرى دونوب آرزوی خانین سئوداسى ايله داغلارا آه ائدرک بو اشعارى سؤيلەدى. آلدى آرزو؛

ايشه من گندىييم آرادان

قدىمي گورسون يارادان

باخىيان آردىما

چىخام گئدم بورادان

دئيب داغلاردا گئجه-گۇندوز آه و حزىن ايله واختى كئچمكده اولسون. بو طرفده آرزوی خان دا قمبرىن سئوداسى ايله آغلاياراق بىھوش اولوب ضعيف الحال اولدو. آخر بىر گۈن يار عشقىندىن بو بىتى سؤيلەدى.

آلدى آرى؛

آرزوی اوزون گورسم

شفتالىنى درسم

وصالىن شكرانەسى

جانىمى قوربان وئرسم

آلدى آرزو؛

گلمەيە ايدن باشىما

سن گىرمىزىن قانىما

حالىمدىن كىمسە بىلىمز

قييارىيم دادلى جانىما

آلدى آرى؛

آرزو مروت كانى سن

بو حسنونله ماتانەسىن (٧١)

من سنين عيالينم
عجب آلدن نه اومارسين
آلدى آرزى؛

كونلوم غملى دير گولمز
سندن غيرى سينى بيلمز
ايکى جهان بير اولسا
آرزى سؤزوندن دونمز

دئدىكده او واخت جوجوغون آناسى بونا واقيف اولوب دايما نصيحت ائديردى.
بويله آرادان بير واخت كىچىب مورادينه ايرمهدن [چاتمادان] وفات ايلهدى.
ايىدىن آرزينى بير آدام ايله مملكتينه گوندردىلر. بونلار - مروان ابلىسين بير
سيرانگاهى وار ايدي - اورايا گلدىلر هر كس سيرانگاه دا سويوق سولار باشىندان
و ايرماق كنارىنinde ذوق و صفا ائديرلىر. قمبىرde صحرادا گزىب او محله بعضاً
گلىرىدى. آرزى خان دا او محله گلىپ «بير قاج گون استراحت ائدىليم» دئدى.
بيىردىن بئچارا آرزى خانى گوروب عشق درياسينا غرق اولوب درون دىلدىن آه
اندىب اصلا كيمسىه يه باخمايىب آنجاق طبۇرەسىن چالماغا باشلادى.

آرزى خان بونو ائشىتىكىدە يانينا گلىپ قمبىرین تكىرى سولموش همان مجالى
قالمايىب قمبىرن بويونوا سارىلدى. بونلار بويله جه بير مودت مست و حيران
اولوب ياتدىلا سونزا باخدىلار كى آت غايىب اولموش تكرار يكدىگىرىنە سارىلېيىب
و ايکى حسرت بير-بىرلىينه قاۋوشوب آجل شربتى نوش ائتدىلر. والدەسىنە خبر
گوندردىلر والدەسى ده گلر ك بونلارين يانينا گىريپ گوردو كى سو اىچىندىرى.
بىر-بىرلىينه سارىلېيىب دونن دن وفات ائتمىشلر. هامان بئچارا والدەسى! اورادا
بولونان چوخ كيمسىلر بونلارى زيارت ائدىب مورادلارينا ناييل اولموشلار! ايشته
بو قصەدن موراد حىصەدىرى. گر ك عرب و گر ك روم جوملهسى ليلا ايله مجنونى
مدح و ثنا ائديرلىر.

٣-جى بؤلوم

طوزخورماتو(٧٢) واريانتى

آنلاتان: هئىبىت خانىم
دەرلەين: عبداللطيف بندر اوغلو
تۆپلاما تارىخى: ۱۹۵۰ م. ايللىرى
باسىم تارىخى: ۱۹۹۳ م (۱۳۷۲ ش)

وار ايدى يوخودو بير- بىرلىيندن هئچ آيرىلمايان بير- بىرلىينى چوخ سئون ايکى قارداش وار ايدى آروادلار ايکى جان ايدى. بونلار هر گئجه اوتوروردولار حاکات(٧٣) اندىرىدىلر. مەتل. [مەتل] دئىيىرىدىلر.

بىر گئجه بؤيوك قارداش كىچىك قارداشا دئىى؛ ايكمىزىننده آروادى ايکى جاندى. منىم آروادىيم قىز دوغسا سنىن كى اوغلان دوغسا ايكسىسى بىر-بىرلىنىن آدالخاسى اولسون. اگر سنىن كى قىز دوغسا گئنه بير- بىرىنىن آدالخاسى اولسون.

ايکى قارداش آل- آله چالدى بير- بىرلىينى اوپدولر، بير- بىرلىينه ده سۆز وئردىلر. گۆن گۆننەن آى آيدان بؤيوك قارداشىن آروادى بير اوغلان دوغدو. كىچىك ايسە بير قىز دوغدو. اوغلانىن آدینى قويىدولار قمبىر، قىزىن دا آدینى آرزى.

بونلار ائو قۇنشوسو ايدىلار هر زامان بىر يېرده ياشاردىلار. بونلار دوققۇز ياشلارينا اولاشدىلار. [چاتدىلار] قمبىرين هم باپاسى اولدو همده ننهسى. قمبىر يەتتىم قالدى.

بىر گۆن عىمىسى قمبىرلە آرزىنىن آللرىيندن توتىدو آپاردى اۆزلىرىن موللا مكتىبىنە. موللا يائىرىدى:

موللا بو قىز منىمىدى اوغلان دا قارداشىمىن اوغلۇدو. قىزىن آدى آرزىبدى. اوغلانىن دا قمبىر. بونلار سنه امانتدى. اىستىرەم اوخوماق، يازماق، ئۆيرىدەسەن اۆزلىرىنە. موللا دئىى:

-باش اوسته

بىر ايکى ايل آرزي دان قمبر مولا مكتبيinde او خودolar. او خوماق يازماگى او يىرندىلر. اوچونجو ايل بونلارين ايکىسى نىنده حاواسلارى او خوماقدان سوغودو. مولا آرزي نين باباسى نين آرخاسىجا گئندردى. آرزي نين باباسى مولانىن يانينا گئتدى «امر ائت موللا» دئدى.

موللا دئدى:

باخ سنه بىر سۆز دئمك ايستيرم. من بئله گۈرورم بونلار بىر - بىرلىكىن عاشيق اولوبلار. دونن قمبر آرزي اوچون بىر شعر او خوردو. دئدىم؛ او غلوم قمبر بو كيمىندى؟ قمبر منه جاواب وئرمە دى. قمبر آرزي يا بئله دئييردى:

آيرىلماز روحوم سىندىن
گىسمە گۈزلىرىنى مندىن
آرزي دا قمبره بئله جاواب وئردى:
سەنин عشقىن مندە دى
آرزي نين باباسى دئدى:
موللا چارە نە دىر؟

او غلوم منىم يانىمدا بونلارين يېرى يوخدو. قورخoram بونلار منىم باشىما او ييون آچالار.
بابادا آرزي دان قمبرى ائوه گتىردى.

ايڭىجي گۈن قمبره دئدى:
سن بو قوزولارى آپار چۈلدە يايماغا!
آرزي يا دا دئدى:
- سندە نتىلە ائودە ايشلە!

ھر گۈن قمبر صباح اركىندىن قالخار قوزولارى چۈلە آپارار. آخشام ائوه دونر يورغۇن گلىير ياتاغا گىرر آرزيلا قونشىا بىلەز بىر ايکى عاشيق ايکىسىدە آتشن اىچىنده ياشارلار.
بىر - بىرلىكىن يالنىز گورمزلر.

بىر گۈن آرزي اىستەدى گئتىسىن قمبرى چۈلدە گورسون. دئدى:
ننە تولوغۇ وئر منه گئتىدىم سو دولدوروم.
ننەسى تولوغۇ وئردى آرزي يا دئدى:

تىزگە بويانما!(٧٤)

آرzi تولوغۇ آلدى گىتدى. باخدى قمبىر قوزولارى يايير. آرzi دا چايا[بولاغا] آندى
آلىننە ساز چالىر.

قمبىر آلدى سازى دئدى:

آندى آرzi بولاغه

گلدى سسى قولاغه

آرzi يا ارمغاندى

شىروان، تېرىز مراجە

آرzi قمبىر جاواب وئرمەدى. آرzi تولوغونو دولدوردو بىلزىگىنى سويدو آل-اۆزونو
يىخادى. قمبىرده گلدى آرzi نىن يانىندا دوردۇ، دئدى:

-موللانىن گۆزو كور اولسون بىزى آيىردى بىر- بىرىمېزدىن. آيريلاق. اوزون سورمەز
موللامىز خىر گورمز.

آرzi تولوغون آلدى چىگىنинە دئدى:

-قمبىريم ايندى ننهم منى گۆزلىر. خبرى اولسا سنى گوردوم باباما دئىير داها قويماز
منى سو آپارماغا گلەم.

آرzi ائوه دوندو باخدى بىلەزىگى يادىنداڭ چىخىپ ننهسى دئدى آبرت اولموش(٧٥)
ساقچى كىسيلىميش باخىم چوخ يوباندىن، البت قمبىرلە ايدن؟

آرzi دئدى:

-يوخ والله يوبانمادىم بئلە تلهسىرىدىم بىلەزىگىمەدە يادىمدان چىخدى. آرخ باشىندا
قالدى.

ننهسى آرzi نىن ساقچىنداڭ چىنگەلدى بىر باغا (يوماق) قوپاردى. تەھىر-تەھىر(تۇرلو-
تۇرلو) حاڭاتلار دئدى اۇزونە.

آرzi دئدى:

-گىئدىم بىلە زىگىمى گىتىرىم.

تئز قاچا-قاچا گئتدى آرخ باشينا بىلهزىگىنى تاپمادى. باخدى قمبر قوزولارى يايىر. آرزي دئدى:

تولوغومو دولدوردوم

چىگىنەم اوستە قالدىرىدىم

قمبر سنىن عشقىندىن

بىلهزىگىم اونوتىدوم

قمبر آلدى سازىنى دئدى:

هه گۈلشنى-گۈلشنى

گۆللر يئرە دوشنى

بىلهزىگىن اوستوندە

نه واردى نىشانى

آلدى آرزي:

هه گۈلشنى-گۈلشنى

گۆللر يئرە دوشنى

بىلهزىگىم اوستىدە

آرزي-قمبر نىشانى

قمبر آلدى سازىنى دئدى:

سولار اولوغ- اولوغ

قىزلاр دولدورو تولوغ

بىلهزىگىنى تاپانا

نه وئريسن موشتولوق؟

آرزي دئدى:

سولار اولوغ- اولوغ

قىزلار دولدورو تولوغ

بىلهزىگىم تاپانا

شىرىن جانىم موشتولوغ

قمبر آرزویی توتدو قوجاغینا سیخدی دئدی:

ننهن نه دئدی؟

آرزوی دئدی:

دردیم مین بیر دنه دی
ننهم ظالیم ننه دی

قمبر بیلهزیگی تاخدی آرزویی نین قولونا آرزوی ائوه گئتدی. گئنے ننهسی باشلادی
آرزوی یا تهییر-تهییر سؤز سایماغا، پیس-پیس حاکات دئمه يه. دئدی؛ قوى بابان گلسین
من سنین حاقیندان گللم!

آخشم اولدو آرزویی نین باباسی ائوه گلدی. آرواد دئدی:

-کیشی من بو قیزین آلیندن چاش(شاش) قالدیم. بو گره قمبر یانینا چؤله گئدیرى.
کیشی ده دوشوندو دئدی:

نه ائدک بونلارى بير-بىرلىكىنن آييراق؟

آرواد دئدی:

ایندى من سوتومدن بير آز ساغارام ائوده کى سوتە قاتارام. بير قاب دلەمە اندرم
قمبره وئرم. قمبر دلەمەنى يىدىكىن سورا اونا دئىهرم. بو دلەمەدە منىم سوتوم ده
واردى. سن بونو يېدىگىنندن آرزویی نین قارداشى اولدون.

کیشی دئدی:

-ھن عشق اولسون سنه آرواد. سن بونو نئجه دوشوندون؟

آرواد قالخدى أمىجىكىنندن سوتوندن بير قابا ساغدى اونو دلەمە ائتدى. بير قىر
تاباغين(٧٦) آلتىنا قوبىدو، اوستۇن اورتدى.

آخشم اولدو. قمبر چۈلدى دوندو آج ايدى. دئدی:

-عمى آروادى آجام نئين وار يېيم؟

[عمى آروادى] دئدی:

عم آروادى قوربانون اولسون دلەمە وار گئت يېڭىنن

قمبر سئوينه- سئوينه گلدى دلەمەنин اوستۇن آچدى. [آرزوی] باخدى قمبر دلەمەنى

ئئیجک. ایچنه آتاش دوشدو بیلمیری نه ائتسین بئله دئدی:

آوجو اوخون آتىبىدى

قوبىن قوزو ياتىبىدى

آغزىنا بىر شئى قويما

ننهم سوتون قاتىبىدى

قمبر هئچ بير شئى يئمەدى دئدی:

حوزوموزدا چىم داش

گۈزلىيمدن آخار ياش

بىر امجىكدىن اممەدىك

اولماريق باجى -قارداش

قمبر گئىتىدى ذېتن [أوجىدىن] بىر كللە سوغان آلدى سورفاداندا بىر چۈرك چىخارتىدى يئدى. باشىنى چالدى ياتدى. آرزوئىن ننهسى گىلدى. آرزوئىن ساچىندان توتدو چنگلەدى، دئدی:

ساقچى كسىلىميش قمبرە نه خبر وئردىن؟ اورگىن چاتلاسىن اولسىن ده قمبرە قىسمت ائتمەم!

آرزوئىن باباسى بىر آز سورا ئوه گىلدى. باخدى قىز آغلىر «نه يىدى» دئدى.

آرزو جاواب وئرمەدى. آرزوئىن ننهسى دئدی:

ساقچى كسىلىميش قىزىن، عشقە دوشوب هر شئى قمبرە آندىرىدى.

صاباح اولدو قمبر قوزولارى چۈلە آپارماق اىستەدى. آرزوئىن ننهسى دئدى:

- قمبر قوزولاريندان بىرى قالسىن آتىمىز يوخدو. اىستىرىك بىر قوزو كىك.

قمبر او بىرى قوزولارى آپاردى چۈلە گئىتىدى. آرزوئىن باباسى قوزونو كىسىدە ئىتىنە زهير قاتىدى. طشت آلتىنا قويدۇ. آخشام قمبر گلنده دئدی:

- آجام عمى آروادى.

عما آروادى دئدی:

- قووورما ائتمىشىم پايىن طشت آلتىندا دىرى.

آرزوئى ياندى آلووا دوشدو دئدی؛ ايندى قمبر بو قاوبرمادان يئسە ئولر.

آرزي قمبره دئدى:

دالما قمبريم يئمه يه
آجليغينى بىزه دئمه
اۋتوندە كى يئمه يه
زهير قاتيلىب يئمه

قمبر قاورو مادان يئمه دى قەرىندىن آج ياتدى. صباح اولدو گئنە قوزولارى آپاردى
گىتىدى چۈلە.

آرزي گىلىن بىر قونشولارى وار ايدى. بو قونشو تات ايدى. تات دا يانى بىزىم مىلت
دن (٧٧) دوغولدو. بونون يىددى اوغلو وار ايدى. بو قالىخى آرزىنى اوغلو اوچون اىستە-
دى. آرزي نىن باباسى ننهسى قبول ائتدى.

آخشام قمبر ائوه دوندو. آرزي أغلايا -أغلايا قمبره ايشى آنلاتدى. قمبر دئدى:

قالىمادى چاره منىم
قان آخار يارەم منىم
سنى تاتا وئرسلر
جيگرىم يانار منىم

آرزي دئدى:

قمبر سىن گئت شاها شىكايىت ائله بلکە شاه سنه ياردىم ائدر.
ايكنجى گۆن قمبر گئتىدى شاها شىكايىت ائتمە يه. بىر نئچە گۆن يورويىندىن سورا قمبر
شاھىن يانىنا اولاشىدى. دردىنى شاھا آنلاتىماعا باشладى. شاھ بونون عاشيق اولوغونو
ساز چالما غىيندان بىلدى. قمبر سازىنى آلدى دئدى:

شاھ اوغۇ شاھىم زادە
گىلىم منه سنه دادە

دسالات (٧٨) سىز قالمىشام

٧٧- بوردا يازار بونو تام عكسىنە آنلاتمىشىدىر. اصليندە بىزىم مىلتىن (تۈركلر) اولمايانلارا دئىرلر.

٧٨- دسالات: دستالات. أسىز- آياقسىز، باجاريقسىز.

آرزیم دا گئتدی یاده

شاه ساغ وزیرینه (۷۹) آمر ائتدی دئدی:

بیبر تابور عسگر وئرین قمبرله گئتسین سئودیگی قیزی آلسین. اگر قیزین باباسی قبول ائتمزسه قیزی زورلا آلسینلار. باباسیندا منیم اوچون اسیر گتیرسینلر. قمبرده بیبر تابور عسگر يولا دوشدولر. عسگر هله آرزوی نین مملکتینه یئتیشمه دن اول آرزوی نین ننه سی بیبر قارینی چاغیردی دئدی:

-قاری نه قمبر شاهها گئدیب شیکایته قورخoram گلسین قیزیمی زورلا آلسین. سنه بو قدر آلتین وئرم سن بیبر اویون ائله بلکه عسگرلر گئری دونه لر.

قاری دئدی:

-سن بیبر قازان حالوا بیبر تندیر چؤرك حاضرلا منیم اوچون. هئچ ایشین اولماسین! آرزوی نین ننه سی بیبر قازان حالوا بیبر تندیر چؤرك یاپدی قاری یا وئردی. قاری هر بیبر چؤرگین ایچنه بیبر آز حالوا قویدو. قویاندان سورا چؤرکلری بیبر قیر تاباغین ایچینه دوزدو. باشینا آلدی گئتدی توریله لیگین یئنی اولن بیرسی نین توربه - سی باشیندا اوتوردو. بیبر ایکی گون گیزلندی. باخدی قانشاردان بیبر تابور عسگر گلیردی. [اؤز-اؤزونه] دئدی «والله بونلار قمبرین جماعتی دیر.»

بیبر آز سورا عسگرلر قمبرله برابر گلديلر قاری نین يانيينا اولا شديلار. باخديلار قاري آغلايير، باشينا چالير، ساچين يولور. فرع ائدير.

قمبر سوردو دئدی:

قاری نه اولوبدو، کيم اولوبدو؟

[قاری دينمه دی. قمبر] آلدی سازینی گئری دن سوردو:

باشا نه اوچون چاليسان

ھي هاوار ساليسان

اولن كيمدي دى سئله

ياواش روحوم آليسان

قارى دئدى:

اولوم يازىدى اوغلوم

گومان راضىدى اوغلوم

نهسىنىن تك قىزى

اولن آرزىدى اوغلوم

قمبر بير "اخ" چكدى آخىندان قورت- قوشلار فغان ائتىيلر.

عسگرلر تىترەدىلر، داشلاردا چاتلايدىلار. آلينى اوزونه قوبىدو قمبر آرزي نين توربەسى اوزرىينە گۈزۈندن قان ياشلارى آخدى. بير آز سورا قمبىر دوندو عسگرلرە دئدى:

- سىز گئرى دونون داها بير چارام قالمادى. آرزييم اولوبىدى.

عسگرلر قەرلى(كدرلى) گئرى دوندولور قمبىرە اوتوردو توربەنىن باشىندا آغلاماغا باشلادى. قارى ننه قمبىرى هوسكوت [سوسدوردو] ائتىيردى. قمبر دئدى:

- قارى نه زامان اولدو آرزي؟

دئدى:

- اوغلوم گىتىدىيىنندن اوچ گۆن سورا.

ايىدى مندە گلمىشىم آرزي نين خىريينە حالوا گتىردىم.

قمبىرە دئدى:

- ننه من گىتىدىم شاهدان عسگر گتىرىدىم گلدىيم آرزينى آلىم.

قارى ننه قمبىرى توربە باشىندا قوبىدو گىتىدى. آخشام واختى اوردان گئچن كاروانچى لارдан بىرى قمبىرى گوردو دئدى:

- اوغلوم اولوم آللە-ين امرىدى. سىن نه اوچون بونجا اوز - اوزونو چالىرسان. آغلىرسان بونو آللە دا قبۇل ائتمىز. قالخ گئىت قالخ سىن ارككسىن!

قمبىر قالخدى عمىسى گىلە گىتىدى. قاپى ياشتىشىدى. قاپى نين يانىن دا دوردو آرزي.

قمبىر گوردو دئدى:

قاپى دا دوران قمبىر

بوينونون بوران قمبىر

گئتمىشىدى شاه يانىنا

هانى باش ووران فمېرى؟

قمبر سازىنى آلدى دئدى:

نه اولدۇ قارىدان اولدۇ
سوموک درىدين اولدۇ
عسگىرلەر گىرى دوندو
هامىسى قارى دان اولدۇ

قمبر ائوه گىردى قەرىندىن شامسىز ياتدى. صباح اولدۇ. تاتگىل گىلىدەر آل وئر ائتدىلەر پۇل گئتىردىلەر. جاھاز آدىيلار، جاھاز بىچدىلەر. بىر ھفتەنىن اىچىننە توپودا حاضىرلادىلار. ائلى (٨٠) گۈنۈ گۈن اورتادان سورا گىلىدەر آرزاينى بىزتەمە يە گلىن آپارماغا. اىكى عاشيق بىر- بىرندىن آيرىلماق اىستەمەدىلەر. اىكىسى دە آغلادىلار. قمبر گئتدى اقابى دا دوردۇ آروادلاردان بىرىسى گىلدى آرزاينى بىزتەمە يە.

قمبر دئدى:

ظاليم بئلى بؤكوللسون
اۋ ئاشىگى يىخىلىسىن
آرزاينى بىزەدنى
اون بارماغى تؤكوللسون

بىردىن بىرە ساغ عاشيقىن دوعاسى گىچىدى. آروادىن اون بارماغى موم كىمىن أرىدى دوشىدو. آرزاينى گلىن آپارماغا گىلنلەر چاشدىلار قالدىلار. كىمسە داها آرزاينى بىزتەمە يە اونا اسباب گىتىرمە يە داسالات ائتمەدى حىاسىز آروادلارдан بىر آرواد دئدى؛ من آرزاينى بىزەدىرەم قوى منىم بارماغلارىم تؤكوللسون.

بو آرواد قالخدى آرزاينى بىزەتمە يە باشلادى. قمبر دئدى:

من قىبرىم داغ كىمىن
تىيتردىرەم يارپاڭ كىمىن
آرزايمى بىزەدنى

قره گئیسین زاغ کیمین

هله آرزوی نین بزه‌گی بیتمه میشدی بیر اوشاق هاوار ائده گلدی دئدی؛ تیزه
آخالا] اویز بیخیلدي کیشی ایله اوغلانلارین تورپاچ آلتیندا قالدیلار.
آرواد آرزوی بئریننده قوبیدو باشينا چالا چالا قاچدی. آروادلار بیر- بیرلرینه باخیلار
هر کس قورخور آرزوی بزه‌تسین. هر کیمه دئیرلر کیمسه یاخین دوشمور.

قمبر گلدى عمىسى آروادى نىن يانىنا دئدى:
عم آروادى، من آرزينى بزهدىرم. مندن غىرى هر كىم آرزينى بَزهتسە بارماغلارى
تۈكۈلۈ اولو.

آرودلار دئدیلر؛ قوى بزتسين نه وار بوندا، قمبر عميسى اوغلودى.

آرژی نین ننه سی دئدی:

-گل قمبر، گل بوردادا بیزی او تاندیرما!

قمبر دئدی:

من بير شرطله بزهديرم بزتديكجه بير اوپوش آلام.

دئد پلر:

قئیدی یو خدو۔

قمبر باشلادي آرزياني بزه تمده يه اوست اسبابيني گئيديرمه يه، اونجا آليندن، گوئوندن باشيندان اوپدو، توكخاشدي. آرزي نين بزه گيني بيتييردي. گلين آبار ماغا گلنلر گلينين قولوندان توقوب قايي يا آبار ديلار. قميرده چيخدي قاييدا دوردو. دئدي:

پیچیلیں ائوی تاپین

دردلى منه ساتين

آرزي مين آتلاري

اولدورون چوئلہ آتین

گلینی آتا میندیرمک ایسته‌دیلر. آت دوشدو اؤلدو. يئددى آت گتىريدىلر يئددىسى ۵۰

يېرىننەد دۇشىدو اولدو قىمېرىن ئەميسى كىلىدى دىندى:

-**الآنجا** (نه قدر) اپارا ایسته سنہ وئریم بس ادی۔ بیزدن واز کئچ۔

فمبر دئدی:

- عشقیم پارا ایله آلينماز. من آرزوینی هئچ بیر شئیه دیبیشمرم. ایسته سه من آرزوینی اؤز دای باما میندیریم رشمەسیننده من چکرم! عمیسی قبول ائتدی. قمیرده گئتدی دای-ین گتیردی. آرزوینی دای-ینا میندیردی. رشمەسینی ده اؤزو چكمەیه باشلادی.

قمیر دئدی:

گئدیریک کسیلمەیه
بئل کیمی اسیلمەیه
قالدیر دوواغى آرزو
واخت يوخدو ياش سیلمەیه

آرزوی دئدی:

دايان قمبريم دايان
حسرتى چيخماز جاننان
دای-نین ديزگىنن توت
گۆزلریم دولدو قاننان

بیر آز سورا گلین اولاشدی. کوره کن-ین اوئیندە گلین گیرى ایچرى بە قمیرده دوردو کوره کن گلین قاپى سیندا. تاتین يئددى اوغلو وار ايدى. گلدىلر قمیرى قاپى دان قلوماغا، قورخورلار قمیرە ياخينلاشىتلار. قمیرین گۆزلریني قان توتوپ عاشقىدى. عاشيق دا ایگىد اولو. تاتین اوغلانلارى بير-بىر گلدىلر قمیرین اۋستونە قمیر بير-بىر اوغلانلارى قووالادى. سورا تاتدا يئددى اوغلو[-] و قمیرين [-] خىملارى (دوشمنلىرى) گلدىلر قمیرین اۋزىزىنه هوچوم ائتدىلر. قمیرى توتدولار اۇلونجە قمیرى آغاچلا تاپادىلار. قمیرین باشىندان گۆزونە قان آخىماغا باشلادى. قمیر دئدی:

تات اوغلو گۈلچە [كۈلچە] بوي
ائىتدى آرزوينا توى
كَرَه سين من آلمىشام
آيرانين باشىنا قوى

آرزوی اۇدن سىسلە ندى:

سن منى خان ائيله دين
 گؤز ياشيم قان ائيله دين
 هئچ منه ديمه ميشدين
 نه اوچون بوهتان ائيله دين؟

قمبر دئدى:

من سنى خان ائيله ديم
 گؤز ياشينى قان ائيله ديم
 هاميسى آغاچ زورنان
 سنه بوهتان ائيله ديم

قمبرى بىش آتلى آدام توتدۇ تاتىن دامىنин آرخاسىنا آتار. قمبراچ سوسوز اورادا دوشدو قالدى. آلينى يوخارى قالدىرىدى. دئدى:
 آلاھىم منى بو درددن سەن قورتار. آرزىم منه قىسمت اولمادى. مندن باشقى هئچ كىمسە يە قىسمت اولماسىن.

ياتسى (٨١) واخت كوره كن گلدى گلىنىن پردهسىنە گيردى پرده ناماژى قىلماق ايستە دى. ناماژا باشلامادان ناماژلىغىن اوستوندە دوشدو اۋلدو. گۈزله دىلر گۈزله دىلر كوره كن چىخمادى. ايچرى گلدىلار باخدىلار پرده اورتولۇ، گلىن پرده دە آغلىر، كوره-كىن دە ناماژلىق اوستوند اۋلوبىدو. كوره كن-ين باباسى گىنتىدى بىر شىيخ گىرىدى: كوره كنى قالدىرىدار آيرى بىر ائودە اوزالتدىلار. شىيخە دئدى:

منىم يىندىي اوغلۇم وار گىنە آرزى نىن كېيىنىي ئولن اوغلۇمداڭ كىچىك اولان اوغلۇم اوچون كىس. شىيخ دە كېيىنىي كىچىك اوغلان اوچون كىسدى. بو دا پرده يە گيردى گىئنە گۈزله دىلر، گۈزله دىلر چىخمادى. باخدىلار بو دا اۋلوبىدو. كوره كن-ين باباسى يىندىي اوغلۇ اوچون آرزى نىن كېيىن كىسىرىدى. يىندىسىدە اۋلدو. صباح اولدو مملكتە خبر داغىلىدى، عاشيق قمبرىن آھىنداڭ تاتىن يىندىي اوغلۇ اۋلوبىدو. مملكتىن گىنجلرى، اختيارلارى (قوحالارى) گلدىلر يىندىي تابىت گىرىدىلر يىندىي اوغلانى

گؤمدولر. تات بيرده شئيخى چاغيردى دئدى:

- آرzi نين كبيينين منيم اوچون كس.

شئيخ آرzi نين كبيينين بابا اوچون كسىد. قايىن بابا پرده آرخاسيدان آرzi يا دئدى؛

«آرzi سن يئددى اوغلوم اوچون يئددى گون ياس توت من ده يئددى گون سورا
ياس بىتندن سورا سنه ياخين گللم.»

آرzi دا قمبر اوچون آغلىر. قايىن باباسينا جاواب وئرمىر. آرzi دا بير- ايکى گون
سورا دام باشينا چىخدى، باخدى چاي-ين كنارىندادا قمبر دوشوبدو. آرzi هاوار اىدە
ائده دئدى:

قمبر- قمبر هارداسان

ئىچە گۈندو درد ده سەن

اۋزوم دامىننان آتارام

بىلسە ايدىم سەن بورداسان.

قمبر دئدى:

آتما دامىننان اۋزونو

اونوتما بىر سۈونو

گل يانىما بىر گۈرۈم

او قان آخان گۈزۈنۈ

آرzi دئدى:

من قورخورخورام گلەم تات منى گۈرسە ئۇلدورو. قمبر نە قدر يالواردى آرzi گلەم
دى. اگر گلەم سەن اۋزومۇ آتارام چایا. قمبر اۋزون آتدى آراز چايىنا آز قالدى بوغسۇن.
آرzi دئدى:

قوروپاسان اى آراز

آليمىزدىن دوشىدو ساز

قمبرى چاي آپاردى

[يئتىش اى خدىرى الياز [س]س)]

خدىرى الياس قمبرى چىخارتدى چايدان. آرzi دئدى؛ دور گلىرىم!

قىز قاچا-قاچا دامدان آندى گئىتى قمبىرىن يانينا. اىكىسى قول-بويون اولدولار. آرzi باخدى قمبىرde عشق چكمىكىن طاقت قالمايىپ رنگ سارالىپ گؤزلرى چوخورا گىرىپ بورنۇنو توتسان روحۇ چىخار. قمبىر دوندو آرzi يا دئدى:

آرزمىم آرzi دا قالدى
ظاللىم آرزمىم چالدى
فلگىن ئوى يانسىن
منى بو گۈنە سالدى

آرzi دئدى:

أوزوم ائله وئرمەدىم
دۇواق سويدوم گىرمەدىم
تاتىن يىنددى اوغلۇنۇ
ھەنج يانىمدا گۇرمەدىم

قمبىر دئدى:

گئچەلر گئچدى آرzi
قووشماق گئچدى آرzi
سندن سورا ياشاماق
منه دا هئچدى آرzi

آرzi دئدى:

من آرzi يان نرگىزم
قمبىريم اوچون بىر ايزم
آللاها آند ائدىرم
ايىدى ده هلە قىزام

قمبىر دوندو آرzi يا دئدى:

من سىنин اوچون روحومو قويدوم. ايندى سنه قووشىدوم. آللاه دان بىلە اىستيرم دىزىن اوستوندە جان وئرم. اۋۇز عشقيملە اولەم.
آرzi آراز چاينىن كىنارىندا اوتوردو

قمبرده باشینی آرزینین دیزی اوستونه قوبدو. بیر نئچه ساعت گئچدی قمبر قالخمادی. آرزی آلینی اوزاتدی بیر داش قالدیردی قمبرین باشینی داش اوسته قوبدو. دئدی؛ «من گئدیم، قورخoram تات گله منی گؤره!» ائوه گئتدی باخدی تات ائوده دئیل گئنه دام باشينا چیخدی قمبر یاتیبیدی. دام باشیندان هاوار ائده- ائده دئدی:

واخت گئچدی گئجه یه قالدیق!
عشق يولون سئچه قالدیق
آه چکدیک غملر اکدیک
بیز دیری نئچه قالدیق؟

آرزی قمبردن جاواب آلمادی دئدی؛ «بئله گورونور قمبرین دئدیگی اولدو. دیزیم اوسته حسرت چکه- چکه جان وئردی». آلینه بیر پیچاق آلدی گئتدی قمبرین یانینا باخدی قمبر اولوبدو. آرزی دئدی؛ «قمبر اولنلن سونرا منیمده یاشاماگیم هئچدی. پیچاغی اورگینین باشينا سوخدو، دوشدو قمبرین اوستونه اولدو.

گلک او قاری اویونبازا [أۆز-أۈزۈنە] دئدی؛ گئدیم باخیم قمبرسیز آرزی نه ائدیر؟ گلدى تاتین اویوننە دئدی:

-آرزی هانى؟

تات دئدی:

-آرزی پرده دهدى

قارى اویون باز گئتدی باخدی آرزی يوخدو. تات دئدی؛ بلکه داما چیخىبىدى. قارى داما چیخدی آرزینى گورمهدى. آرازا باخدی گوردو آرزى ايله قمبر بير- بيرى اوستونه دوشوبىلر. دئدی:

-گل باخ آرزى چای-ین کناريندا كيم ايله ياتىبىدى! اوستلىينه ده قىرمىزى بير توڭل(٨٢) چكىبلر.

تات داما چیخدی باخدی آرزى ايله قمبر آراز کناريندا اولوبىلر. تات دئدی:

-سوچون هاميسى سنهدىر. سن بو اوينونو قورماسايدىن نه منيم يئدى اوغلوم اولىرى
نه ده بىلە روسوا اولاردىم.

تات قىلىنجىنى چكدى اوينباز قارىنى ئىلدوردو. قارىنىن قانىندان بىر دامجى قان
آرزي ايله قمبرىن اوستونه آتلاندى. قمبرلە آرزىنى گۈمدولر. قارىنى دا آيرى بىر يئرده
گۈمدولر. قارىنىن بىر دامجى قانى قمبرلە آرزىنىن توربەلرى آراسىندا بىر چاغىر
تىكان كىمى گۈپىر. هر ايل بو چاغىر تىكانى كىرلە گئنە ده گۈپىر. بو اوينباز قارى او
كى عاشيقى او دۆنьяدا دا قويىمادى قاوشىسونلار.

٤-جى بؤلوم

حبيب ساهير-ين
حاصىرلا دىغى وارىيات

يائى گىچەسى قارا چادىر قورۇلموشدو. داغا، داشا، بوتون يئره آى ايشىغىن يايمىشىدى.
حق قوشۇنون ايلك سىسىلە كىچىك سارا آيىلمىشىدى.

آنا دئىير :

- گۈزلىرىن يوم يات گۈزەلىم!

سارا دئىير:

- آنا جىغىيم، يوخوم گلمىر. دستان سؤيلە يوخوم گلسىن.

آنا دَرىن آه چكەرك باخار او دم بىر سارا يىا، بىر باييرلا. اينجە آيدىن آهنگ ايله باشلار
دستان سؤيلەمه يه ...

- بىرى قازا، بىرى آكە، قىزىل سونبول گۆل لەمگە، بىرى وارمىش، بىرى يوخوموش. ياز سوووشوب، چاتمىشىدى قىش. ائو اىچىننە اود يانىرىدى، قارا قازان اىچىننە كى ياغلى شوربا قايىيايردى. گىلىم اۋستە اىكى قارداش؛ بىرى ياشار، بىرى بالاش. او تورموشدو آروادلارى اىكى خاتىن: بىرى اينجە، او بىرىسى آتلى جانلى. هر اىكىسى اىكى جانلى هر اىكىسى آلى-پوللو، بىرى زهرا، بىرى كولشوم. هر اىكىسى توخوردولار، بىرى ناققىش، بىرى گىلىم.

بؤيوك قارداش ياشار دئىير:

- كيمين اوغلو، كيمين قيزى اولسا اگر ، بير - بيرينه آداختلارى!

بالاش دئير:

- ائله اولسون! قىدى يوخدور.

آيلار گليب، گونلر كئچر. كاروان قونوب، كاروان كؤچر، دوققوز آيدان، دوققوز گوندن، سونرا زهرا اوغلان دوغار. كولثوم ايشه گؤزل بير قيز. قيز اينجه جيك، اوغلان توپوز. اوج گون سونرا، چورك پيشىدى، چيراق ياندى، توى توتىدolar . قاپى - قونشو توپلاندىلار آد قويىسونلار كۈرپەلەر. قضا- قدر يازار ايكن آلينلار قارا يازى، ايكن اوشاق آدلاندىلار:

بىرى قمبر، بىرى آرزي.

كاروان قونوب ، كاروان كؤچر، گۆللو باهار گليب، كئچر. قىزىل حيات بولاغىندان قمبر ايله آرزي ايچر بو ساياقلا دونيا دئندو. بير چوخ چيراق ياندى، سئندو، بوز داغلارى بورور肯 چن، بير قويروقلۇ اولدوز گؤيىدە گۈرونركن، يئللر اسى، سئللر باسى، آراز گلىپ مخلوق ايچره قىرقىن سالدى. هامانكى ايل يازىق قمبر يېتىم قالدى.

بئلەلېكلە نئچە خزان اۆز وئرک، گۈي آغاچلار يارپاقلارин ساراتىدilar. گونو گوندن قمبر، آرزي بوى آتدىلار. يئددى ياشا گىرر - گىرمىز اوشاقلارى گۈتوردولر بير مولانين مكتىبىنە. دئدىلر:

- آتى سنين اولسون موللا، سوموكلىرى بىزه يېتىر.

مكتب قدىم بير مچىددە، قرانىتدىن ستونلارى، شېستانى زمرد تك باغا باخار. ديوارلاردا گۈيرچىنلر بالا قويار گوندوز گونش ، گئچەلرى آى باجادان ايشيق سالار. مچىد آلاقارانلىقدى، حصىر اۆسته قيز، اوغلانى، سورو- سورو كىچىك اوشاق دىزە چەكوب، درس اوخولار.

گونو گوندىن آريق آرزي بوى آتاراق گۈزللشىر "ابجد" اۆسته يازىق قمبر چوخ چالىشىر، چوخ آللشىر. دوداقلارى ترىپىشىرسە ايكى گۈزو آرزي دادىر.

موللا باخىر قىزا سارى. سونرا گۈرور اوغلان قىزىن گۈزلرىنىڭ گۈز تىكىبىدىر. سانكى اونون سىمامىسیندا اوخور حسنون آيه سىنى. موللا دېرىن، دانا بىر ذات. اساطيرىن

يوللاريندا ساچ - ساققالين آغارتميشىدى او بىلرلىكى ؛ گؤيدە الله، يېرده سولطان حؤكم سورى.

او بىلرلىكى، بىر چوخ آرزي "ليلا" كىمى قمبرلىرى "مجنون" ائدر. خبر وئر قىز جىغازىن آتاسينا، آناسينا :

- آمان گلىن قىزىنىيزا صاحب اولۇن چۈنكۈ بوردا لىلى مجنون دستانى وار!

صاباحىسى گۆن اوشاقلارى قويىمadiلار درسە گىئدە. آرزي، ائودە فرش توخوركىن، قمبر گىئتىدى قويونلار، قوزولارى اوتارماغا. قىز قمبرى گۈرمەدىكىجه دلى اولدو. ننه دئدى:

سسو قالمايىپ كۆزەلردى.

آرزي دئدى:

- تولوغۇ وئر ننه گىندىب، سو دولدوروم.

ننه دئدى:

- قالخ گۈزلىيم گىئت بولاغا، سئودالانىب گىئتمە قىزىيم چوخ اوزاغا گئچ گىتىرسىن سويو، واللاھ واى حالينا اولدوررم سنى!

دئدى:

- ننه بونجا آند، بونجا يىمین تئز گلەرم.

تؤىشەيرك قىز گىئدېرىدى، نىشانلىقى بىلەزىكلەر سىسلە نېرىدى. عشق اودوييلا يانان قمبر باخدى داغدان ائتىر آرزي سو باشىينا. آلدى سازىن ايندى گۈرك نه سۈئىلەدى:

آرزييم ائندى بولاغا

سىسى گلىير قولاغا

آرزييا پىشكىش اولسون

شىرووان، تېرىز، ماراغا

قىزىھەنج جواب وئرمەيرك آلين، اۆزۈن يودو، سونرا تولوغۇ دولدوراراق گۈردو اونا سارى گلىر اوغلان قاچدى، قاچدى. سو آخرىدى سرین، سرین، سو باشىندا اونوتىدو قىز بىلە-

زىگين، ائوه گيرجك، ننه گئردو قىز پئورتوضوب، ياناقلارى گۈل آچاراق قارا گؤزلر پارىلدايىر. ننه دوندو قىزى اونجه چالدى دئدى:

- گئچ گىلدىن آى ساچى كسىك! نيشانلى ايلا گۈرۈشدنمۇ؟ سو باشىندا اوپوشدونمو. ننه باخدى گئردو قىزىن بىلەزىگى يوخ قولوندا دئدى:

- گئردون نيشانلىنى، بىلەزىگىن ايتىرىدىنمى؟ دئمك قىدا" بىلەزىگىن سو باشىندا بوراخمىسان، بىرده گئدib قمبر ايله گۈرۈشىن. بىلەزىگىن گتىرگىلىن يوخسا والله يىندى سى اؤلدورورم!

دوندو آرزي سو باشينا. گئردو كى سو آخرى سرین. اوتلادىرى قمبر گىنە قئيون. آلدى آرزي دئدى:

تولوغومو دولدوردوم
دولودىبىن قالدىرىدىم
دېننیم، ايمانىم قمبر
بىلەزىگىم سالدىرىدىم

اوجلان دوندى قىزى او دم قوجاقلايىب اوپوركىن بىلەزىگىن قولونا تاخىب دئدى:
آرزي! سو آخرى سرین - سرین
سو باشىندا اونوتموسان بىلر زىگىن.

قمبر يئتىم اوجلان ايدى، ساده چوبان نه بگ ايدى. نه خان ايدى. او آرزىنى جاندان سئور. هيىنده يوللان دئسە آرزي، هيىنده گئدر. اوجا - اوجا داغلار آشىب، جوشغۇن - داشغىن. چايدان كىچىر. آرزي وئرسە زهر اىچر. أما حئىيف او زامانلار بوگۇنكۇ تك آتا، آنا اىستك بىلمز، سئوگى بىلمز، اوز قىزىلارين ساتاردىلار قىزىل پولا.

كۆچە، بازارдан آياق كسىلىدى، كىشى ائوه گىلدى آخشام. آرواد دئدى:
- بىلر سەن هەنج كى آرزي هەرمۇم فورصت تاپىپ، قاچىب گئدیر اوغلان ايله گۈرۈشورۇ؟ دئدى:
چارە؟

دئدى:

- بو گون من قمبره اوز سودومدن ايچيردرم. قيزلا اوغلان اوilar اوnda باجي - قارداش.
- آرواد ساغدى اوز سودونو بير تاباغا تۈكىدو. اود اوستوندە، ئىتدى سودو دلمە.
- گون اورتادى، قمبر گلدى آرغىن - يورغۇن.
- عم آروادى ناهار اوچون نه پىشىردىن؟
- عم آروادى قوربان سنه. اودور طشت آلتىندا دلمە وار گئتور اوغلوم چۈرك ايله يئه گىلن.

قىز آنانين كلكىنى بىلىرىدى، آتش دوشدو جانينا بو ماھنىنى سۈپىلە دى:
هي هاتىبىدى، هاتىبىدى!

قويون ، قزو ياتىبىدى
قىمىر دەلمە يئمە!
ننەم سودون قاتىبىدى

دؤندو اوغلان ، الين سىللەكىدى(سىلەدى) ، دلمە نى يئمە دى بو ماھنىنى سۈپىلە دى:
ترەجە مىز دولو داش

بىر ياسدىغا قوياق باش
بىر ننە دن اولمادىق

ئىتجە اوللوق باجي - قارداش

بىر آز سوغان، بىر آز چۈرك گئتوردو، چىخدى گىئىتىدى. ننە دئدى:

- فايىداسى يوخ! (چالدى قىزىن دىلدىن، داماقدان سالدى) ساچى كسيك ! سن هر سرى شعر - غزل لە عاشىغينا آنلاتدىن؟ سئودالانىب، اۆلسن بئله قويىمام نصىب اولا اوز قاپىمدا بىسلەدىيگىم اوغلانا.

صاباح تىزدىن، آنا آتى قوووردو! زهرلە يىب، قويido طشتىن آلتىنا.
گون اورتادى. قمبر گلدى آرغىن، يورغۇن.
- عم آروادى ناهار اوچون نه پىشىردىن؟

- عم آروادى قوربان سنه. طشت آلتیندا او دور قوورما قويموشام، گۇئتۇر اوغلۇم، چۈرك
ايله يىنه گىلين.

قىز اودلاندى دوشوندوكى آمان قووورما زهرلىدى، يئسە قمبر اۇلەجك، بو ماھنىنى
سۈپىلەدى:

امه قمبرىم امە
ننەنин عقلى كەمە
اۇنۇنده قوزو بريان
زەر قاتىپدى يئمە!

دئندو اوغان آلين سىللەكدى (سېلىدى)، قووورمانى يئمەدى، گىنە بىر باش سوغان، بىر
آز چۈرك گۇئتۇرۇب:
گىئدە - گىئدە بو ماھنىنى سۈپىلەدى:

بوگۇن دوشنبە دى
گۇنلومە [گۇنلۇنە] دوشن نە دى؟
او يانار توستۇ چىخماز
قازاندا بىشىن نە دى؟

او زامانلار بوگۇنكى تك آتالـ آنا اۆز قىزىنى قىزىلى پولا ساتاردىلار! باخمازدىلار نە
كمالە، نە جمالە، سئوگى، اىستىك - بىلمىزدىلر، دئىيردىلر سئوگى دستان، اىستىك
يالان، زىگىن اولسا چىركىن اوغان آن گۈزىل قىز نصىبى دى.

قمبر ايگىد بىر گنج ايدى، ياراشىقلى، چوخ عاقىلىي آما يوخسول. او بىر يئتىيم اوغان
ايدى، اۆزگە چىراق دالدىسىندا - ارىت دئدىيگىن اونا چاتدى: آناسىندا سئوگى، وفا -
آناسىندا: چوماق، چوخا. داغدا، داشدا كىچىنيردى، قويون قوزى او تاراردى، عمى
سینە آمگىلە چوخلۇ بەرە يئتىردى.

قۇنشۇلوقدا بىر تات واردى. بىر سئوداڭر، زىگىن، دَرِين. بىر اوغلو وار آخماق، چىركىن.
تاتىن واردىر بؤيوك ائوی، باغـ باخچالى، آينە بند سالۇنلارى، دؤشە نكلى اوتاقلارى،

پنجره‌لر آلان جاملى. هرزه، آخماق اۋۇن دوشۇنرک دوشىدو، آرزي كىمى بىر گلىينىن سئوداسىتى.

خبر وئردى آتاسىنا، آناسىنا ئىلچى گئىتدى، سۆز دانىشدى. راضى اولدو آتا، آنا، اۋۇن قىزىنى پولا ساتا.

اخشام اولدۇ. كسىلەرن كۆچەلەن ئەل-آياق . ياندى تاتىن سارابىندا چىلچىراق. گۈن باقاتدان شفق سوندو. اوغلان يېنە آرغىن، يورغۇن ائوه دوندو.

قىز آيدىرىدى:

- قمبر

دئدى:

- ها؟

دئدى:

خبرىن وار؟

دئدى:

- نىچە؟

دئدى:

- منى بابامدان تات اوغلو - اوچون اىستەدى. بابام وئردى تاتىن اوغلۇنا، بىر چارە ائت.

قمبر دئدى:

- چارە نە دى؟ نە ائده بىلەر منىم كىمىن بىر كىمسەسىز.

قىز سۈپىلەدى:

- دور، گەت خانا شىكايت ائت. او گوجلودور، او عادىلىدىر، او گۈندىر فراشلارىن، او بوراخماز نىشانلىنىي آتام ساتا قىزىيل پولا.

قمبر گىردى ائوه دئدى:

- عم آروادى، منىم آرتىق طاقتىم يوخ، مادام كى سىز نىشانلىمى تات اوغلۇنا وئيرىسىنىز من بو ائودە دايىمارام، سانما دۇنيا اولمۇشدو دار، گىئدە جىڭم دىيار - دىيار. دور يولجۇيا چۈرك گتىر، قاتيق گتىر.

- باشیم اوسته (دئدی آرواد) ایندی سنه چورک وئرم يولون آچیق، گؤيلون آيدین
گئت قمبریم سن خوش گلدین.

هه بورادا، هه اورادا، آز گئتدی ها اوز گئتدی، دره، تپه، دوز گئتدی، آخشم چاغى
واردى خانىن ائوبىنه.

خان دئدی:

- نه ایستيرسن؟

عميم قيزييل آليب
نيشانلىمي ساتير يادا
گل آى خانىم، قادان آليم
بو دار گوندە يئتىش دادا

اۆز توتدۇ خان نؤكىرلە :

دورون، دورون گۈرەلىم!
عاشيق حالىن بىلەلىم
چاغىرین خزانە دارى
عاشىغا مال وئرەلىم

آلدى قمبر:

عاشيق مالى، نئيلەيير?
دونيا وارين نئيلەيير?
عاشيق دادا گلىبىدى
سندن امداد دىلەيير.

خان دئدی:

- فراشلارى اوغلان ايله گۈندريين هانسى قىزى اىسترسه گۆجلە بئله اولسا آليب اوナ
وئرسىنلە.

وزير قالخىب سؤيلەدى:

- خان ساغ اولسون دونيادا، عاشيق اولان يوخсадا، لاکين جاندان سئونلر، بو اولكه ده آز اولور.

خان دئدى.

- تدبير نه دير؟

وزير دئدى:

- باعچانين بير - بيرينه قاتار سا يئددي جور يئميشين، دئمك دوغرو عاشيق ايپيش.

آلدى قمبر:

آلم، اريك، هالوجه
قاوون، قارپيز بو نئچه؟
ھئيوا يئديم سارالديم
نار ايچى غونچه - غونچه

سن گل ائشيت دستانى آرزي نين ننه سيندن؛ بير قارينى چاغيردى، آغيرليغىجا اونا پامبىق چكىب، وئررك دئدى:

- قارى ننه، سنين اولسون بو پامبىق، قمبر بىلىرسن قارى ، خانا دادا گئديب ، بو گون، صباح فراشلار گلىب، قىزى آلارار. بير حيله قور آگؤزوم گئرى دوندر اونلارى. قارى دئدى:

- بير قازان حالوا پىشىر منيم اوچون، بير تندىرىدە چۈرك وئر، سن بو ايشە قارىشىما! ننه حالوا پىشىردى، بير تندىرىلىك چۈرك وئرىدى قارى ننه يە. دويمەله دى حالوانى، هر چۈركىن ايچىنە قويدو. نهايت قېرىستانا يوللاندى. بير نئچە گون گۈزلەدى اولوللە اوردو تو.

بىر گون، گۆنش چىخاركىن تۇز - تۇزاناق گۈرونداوا اۋز-اۋزونە سؤليلەدى؛ بو قىمردى فراشلارلا گلىب.

فراشلار چاتاركىن قىمىر گۈردو بىر قارى ساچىن يولور، آغلابىر. فراشلارى دوردو تىدو، سوردو قارى ننه دن:

آلتىمиз بوراداندى

اوستوموز ياراداندى

قارى سؤال ائديرم

گىلىشىن هاراداندى؟

آلدى قارى سؤيله دى:

آلتمىز بوراداندى

اوستوموز ياراداندى

اگر سؤال ائديرسەن

گىلىشىم اوپاداندى

دوندو اوغلان دئدى:

اويانيمىز داغمىدىر؟

بويانيمىز داغمىدىر؟

قارى سندن سورورام

آرزيم ئولوب، ساغمىدىر؟

- سنه، اوغلوم قوربان اولسون قارى ننهن! بىن نه اوچون ساچلارىمى يولورام؟ تزه ئولن
گلىين - اوچون حالوا - چۈرك پايلىرام.

دئدى:

- ئولن آرزيمى؟

- هە. آند اولسون آللاردا. ئولوب گىدن آرزي دىرى.

وغلان دئدى:

- چاره نە؟

- چاره وارسا ھە شىيىدە، يوخدور اوغلوم دونيادا آنجاق ئولوم چارەسى!

قمبر آرتىق كور، پىشىمان فراشلارى قايتاردى، قىرىستاندا بوتون گۆن آرزي اوچون
آغلادى، آخشام اولدۇ، قاش قارالدى. اوزاقلارдан آرتىق مغروب اوخوندۇ، سىس
سالاركىن بايقوشلار، كىچدى يولدان بىر آدام. دئدى:

- دور گئەت ئويينه! بو آلاھىن چۈلۈنده نە واختا دەك آغلارسان. بىلمىرمىسىن آقارداش بو دۆنيا بىر منزىلدىر انسان اوغلو كاروان، قۇنوب، اوچاق قورارسا، يىنە بىر گۈن كۈچە- جك اۇلولره آغلاما ھامى بىر گۈن اۋلەجك.

گۈز ياشىنى سىلەرك كىنده سارى يوللاندى، عميىسىنىن ئويينه چاتار - چاتماز باخدى كى آرزى آلى آليندە، اتگى دە بىلەيندە، سو چكىر قويودان. سانكى او دم قىرىلدى دىزىلرىنىن قاپاغى، چىرپىناراق اورگى دوردو قاپى ئونوندە دئندو آرزى سؤيلەدى:

قاپىدا دوران آدام!

بوينونو بوران آدام!

گئتمىشدىن خانا دادا

هانى خاندان بىر آدام؟

آلدى اوغلان سؤيلەدى:

نولدو قارى دان اولدو

زولوفو سارى دان اولدو

فراشلار گئرى دئندو

گۈزل تارى دان اولدو.

كىنده سارى يوللاندى اوغلان گىردى ايچرى، دوشدو شام سىز، آچ ياتدى. صباح اولدو. گۈنش چىخدى قوشلار باغدا جيوبىلەدە دى زىمېلەدە ئۆجك - بؤجك جىرىلەدادى. ائچى گىلدى تات ئوييندن. آل ائتدىلر، وئر ائتدىلر، قىز وئردىلر. موللا گىلدى كېيىن كىسى. جاهاز آليندى، جاهاز بىچىلدى. ناماز اۆستە ئۆز - اۆزۈنە مىرىلەدادى ناكس آنا؛ «قوى قىز گئتسىن راحات اولوم. قمبىر قالسىن يانا - يانا».

آخشام اولدو ياندى ئوودە چىراق، توى توتلۇدۇ ، گىلدى بوتۇن قۇنالقلار، آرزى، زرى مخمل گئىيىب گۆللەندى سولطان كىمى صىندل اۆستە آيلەشىدە. قونشۇلارдан بىرى گىلدى قىز، گلىنى بېزەسىن. او گىلندە اوندا آرزى آغلادى. آغلار گۈردو قىزى قمبىر سؤيلەدى:

- هي هۈكۈلسۈن، هۈكۈلسۈن!

قانی [اقاتلی] داغلار سؤکولسون!

آرزوینی بزه یه نین

اون بارماگى تؤکولسون!

بزه یه نی ساغ عاشيقین تو تدو او دم قارقيشى، بارماقلارى بند بندىندن تؤکولدو.
او دئدى؛ بو گلينى كيم بزه تسيين؟ بو دئدى؛ بو گلينى كيم بزه تسيين؟ بيرى قالخدى
دئدى:

- يا الله، يا الله من بزه درم، قمبر نه دى توتسون منى قارقيشى؟

دوندى قمبر دئدى كى:

من قمبرم داغ كيمىن

تىتررم يارپاق كيمىن

آرزوينى بزه دنى

قارا گئيسين زاغ كيمىن!

بو آرادا خبر گلدى: آى زاواللى ديوار اوچدو، او يىخىلدى دئورد اوغلونلا بىر كىشى-ين؛
دام آلتىندا قالىبىدير! قىز گلينى آرواد قويدو يئرىنinde حوربى باسى قويدو قاچدى.

سۈپىلە دىلر ائودە كىلر:

- قىز گلينى كيم بزه تسيين؟

او دئدى؛ و الله بزه تمهرىك، بو دئدى؛ و الله بزه تمهرىك، بد دوعاسى ساغ عاشيقين
تو تار بىزى.

دئدىلر:

- چاره؟

اوغلان سۈپىلە دى:

- آرزوينى منه وئر بزه ييمى يوخسا بد دوعا باسaram قىزى هر كىس بزه سە.
او دئدى؛ جانىم قوى بزه تسيين، بو دئدى؛ جانىم قوى بزه تسيين، عم قىزىدى، آخى بال
دئبيل كى بارماقلاسىن.

آنا سۈپىلە دى:

- بويۇنۇ قىرىلەمىش گل بزه، گئرك، تاماشا قىلاق.

دئدى:

- بىزەرم آما شرط ايلە، ساچىن داراركىن بىر ئۆپوش آلام، پاچىن گىتىدىرسىم بىر ئۆپوش آلام، وسمه ياخاركىن بىر ئۆپوش آلام، سورمە چىركىن بىر ئۆپوش آلام، اننىك [انلىك] [٨٣] سورتركىن بىر ئۆپوش آلام.

دئدىيلر:

- يوخ قىيىدى، آل بىزە!

ژاكت گىتىرىدى گلىنىي ئۆپدو، پاچىن گىتىرىدى گلىنىي ئۆپدو، ساچىن دارادى گلىنىي ئۆپدو، اۆزۇنۇ - گۆزۇنۇ - ئۆپدو كجه ئۆپدو. بو آرادا هاي - كوى قالخدى اوغلان ائسو قىيز گلىنىي آپارماغا گىدىلر، بىر تات كىشى آت گىتىرىدى، قىيز گلىنىي مىندىرسىن.

قمبىر چىخىدى دئدى:

سئىل سولارى دورولسون

درەلرده بورولسون

آرزييم مىنن آتلارين

گۈرۈم بئلى قىرىلسىن

گلىين آتا مىنر - مىنمز آتىن بئلى قىرىيلدى، آت بىر يانا، قىيز بىر يانا دوشىدولر، تات أغلادى. قاپى - قونشۇ گۆلدولر.

تات سۈيەلەدى:

- قمبىر چارە؟

- اۋز دايىمى قويون دئدى گىتىرىم.

او دئدى بابا داي اوlsa نه وار؟ بو دئدى نه وار؟ قارقىش ائلهدى گلىين بىزەدى ، قويون دايىينا مىندىرسىن قىيزى.

قاپى - قونشۇ چىخىدى هايات، گلىن مىندى قىيزىل دايى، قمبىر اوندا جىلۇ چىكدى. او پىادا، قىيز سوارا. آت يئريركىن دابانىنى ازدى. اونون باشماغىنidan قان فيشقىردى.

-انلىك: انلىك و كىريشان: ايكى بىزك مادەلرى. ائنلىكى چوھەرەاي رنگىدە بىزك اۋچون سورتە- ردىلر. آما كىريشان آغ رنگىدە قاش آلمادن اۇنچە أغرينىي آلماق اۋچون قوللاتىلاردى.

قان گؤرگن قیز قیشقیردی:

هاننان قمبریم هاننان!

سئوگین آه چىخماز جاندان

گلىن گىدىن يوللارا

ايى سالىپ قىزىيل قاندان

قمبر دئندو قیز گلىنین دوواغىنى قالدىرىدى، گوردو آلا گۈزىلر ياشا دولوبدو. قايىن آتا،
آرتىق صبرى قالمادى، آلدى قامچىنى جىلودارى تاپدادى.

دئندو قمبر ياندىغىنidan كوركىنه سؤبىلهدى:

تات اوغلو كولەجه بوى

ائىدى خان آرزمىما توى

كَرَهْسِينْ مِنْ آلمىشام

آيرانىن باشىنا قوى

بو سۈزلىرى قیز آت اۆستە دىنلەدى، آجىقلانىب دئدى:

- باخ منه سئوگى بىسلر ايكن نىتجە بوھتان ائلەيىر، او دوشونمىز بىر قیز گلىن بو بوھتانا
رسوای اولور عالمده.

هه ائيلەدین، ائيلەدین!

آلتنىم پول ائيلەدین

سن منه دىيمە مىشدىن

نه چون بوھتان ائيلە دين؟

آلدى قمبر دئدى:

هه ائيلەديم، ائيلەديم

آلتنى پول ائيلەديم

هامىسى آجاج زورويلا

سنه بوھتان ائيلەديم.

مخلص ... گلین آپارانلار آز گئتدىلر، اوز گئتدىلر، دره - تپه دوز گئتدىلر. اوغلان گيله يئتىشىدىلر. اۇ قاپىسى آچيق ايدى. گلین گيردى ايچرىيە، قمبر دوردو توى ائسوىنىن قاپىسىندا. بىر بد دوعا باسىدى دئدى:

منلن اولان گئرى يە!

گئتمە سين اىرلى يە!

آرزىم گىرن ائولرى

كىچە، كىليم بورويە.

[اڭئچە كۆلە بورى يە]

قمبر گۈزل اوغلان ايدى، ساچلارى نىن بىر طرفى آلتىن ايدى، بىر طرفى گوموش ايدى.

ياندېغىندان، آلۇندان بوتون ساچى سياھ اولدۇ.

تات ائسوى نىن دالىسىندا چاى آخرىدى، قمبر چايىن كنارىندا دوشوب، ياتدى.

اما سىزه دئىيم نەدن؟ تات ائوينىن، گئچە يامان قارانلىقدى، اوذاقلاردا بايقوش اولۇر. شام- چىراقلاڭ شىلە چكىر ايندى گلین اوتاباغىندا آرزو يالىز اوتورو بىدو. تاتىن اوغلۇ بودور گلدى گيردى پىرە آرخاسىندا ناماز قىلىسین زنگىلىرىن تانرى سينا سجده ائدىب، مراد آلسىن. لاكىن رکوع ائىر - ائتمىز دوشوب اۇلدۇ. گۈزلەدىلر اوغلان چىخسىن، چىخمادى، اۇ قاپىسىن سىندىرىدىلار. اۇوه گىريپ نە گۈردىلر. پىرە آردى، گلین او تايدا، اوغلان بو تايدا! ايندى ئولمە يىب، مىن اىلدى اۋلوب.

قمبرىن قارقىشى توتىدو، توى ياسا دۇندۇ. بابا تات گلدى. اونون قىرخ اوغلۇ واردى آند اىچىدى يىمین ائتدى.

بو گئچە قىرخ اوغلومدان گۇز يومارام، قويىمam قمبر مرادا چاتسىن، يا خود قىرخ اوغلانىن قانىنا گىررم.

بابا تات اوغلۇنون لئشىنى قالدىرىدى آپاردى آپرى اوتقادا اوزا تىدى، موللا چاغىردى آرزوى نىن كېيىنин اىكىنجى اوغلۇنا كىسىرىدى.

چاغىردى اوغلانى:

- گل بالا! داداشین اولدو، آرزو نین کبینین کسديرديم سنين آروادين اولسون!
اللهين امریدى، يا بو گنجه آلاه قمبره وئر يا بىزه وئر.

بابا تاتين ايكنجى اوغلو بودور گلدى، گيردى پرده آرخاسىندا ناماز قىلسىن
سۇداغىرلۇ تانرى سينا...

اوزاتمايمىم حكايىتى، آغريتىمايمىم باشىنىزى. بىر گئجه ده قىرخ كورەكىن، ناماز اۆستە
دوشوب اولدو.

صاباح اولدو، بوتون كنده جار دوشدوكى؛ قمر تاتى قارقىشلادى، بىر گئجه ده موللا
كسدى قىرخ اوغلانا قىز گلىينين كبىنинى. بىر گئجه ده، قىرخ كورەكىن ناماز اۆستە
دوشوب اولدو. آلى بىلللى قبرستانا لىش داشىدى.

سيزه دئىيمىم تات بابادان؛

سانكى بىر شئى اولمامىشدى. امر ائلهدى موللا گلدى كبىن كسدى، قىز گلىينين
كبىنинى! دئمك آرزو قىرخ كىشى نين باشىن يئەيىب، ان نهايت تات بابايا آرواد اولدو.
گئجه چاتدى، ائللر ياتدى. قىرخ بىرىنچى داماد گلدى! آما قورخدو اىچرى گىرمەدى.
او دئنى:

- آرزو، قىرخ اىگىدى قبرستانا گۈندىرىميسە كبىنинى كسديرمىشىم من اۆزومە،
ياخشى قولاق وئر سۈزۈمە، قىرخ گۈن ياس توت قىرخ كىشى- اۋچون، من ده قىرخ
گۈن ياس توقارام قىرخ اوغلوما، قىرخ گۈن سونرا گلەم سنين سوراغينا.

قىزىن قوجا آرى گىنتدى، دئمە هر شئى اولوب، بىتدى، كۆللوكلەرde گۈز مىلچىك گول
- چىچگە قونارمى هېچ؟ بىر آپرىمىش قوجا كىشى سئوگى- اىستك قانارمى هېچ؟ تات
گىئدرىن راحات نفس چكدى آرزو. آما حىيف يازمىش ايدى قدر اونون آلينىنا قارا
يازى. آتا، آنا سانما قىزىن قىزىل پولا ساتاجامىش، قوجا عاشيق قىرخ گۈن سونرا
مورادينا چاتاجامىش!

تات درويش تك بىر اوتابا سىخىلاراق گاه آغلادى، گاه دوشونندو :

- بو نه ايشدير؟ بير اويناتميش قيز بدلى قيرخ اوغلومو فدا ائتمديم!

بئش گون، اون گون اورگينده بير سيخينتى قالدى قىزىن، سانكى گۈنلر اوزون ايدى بير گون آرتىق گۈزلرى نين ياشىن سىلدى، ياللاه دئىيب، داما چىخدى. گون چىخاركىن آلادادغان گۈردو بير كس اوزانلاردان بير گلىرى. بير گىدىرى. يانمىش گۈنون قاباگىندا، آه ائتمكە طاقتى يوخ.

بىر آوارا كۈلگە كىيمى ياخىنلاشدى، باخدى داما گۈزو قاماشدى. تانىياراق سئوگىلى - سين.

دئدى:

كۈرۈم آرزي منى يىنده سئوير.

دئدى:

لاي قىز!

دئدى:

- نه وار؟

- بير باخ من اۇزومو آتىم چايا؟

دئدى:

- آت، آت، آتسان دا ياخود آتماسان دا جهنمه.

اوغلان چايا ياخىنلاشدى. آرزي اونو تانىياراق رنگى قاچدى دام اوستوندن چىغيردى قىز؛

- آمان قمبر، ايکى گۈزوم. ساخىن چايا آتما اۇزون!

دئندو قمبر دئدى:

- آرزي، بىسى داها عاشيقلىغا-ماشيقلىغا اقتداريم قالمايىبدير. باخ شكىلدىن چىخدى قمبر. گۈنده ياندىيم، هندى اولدور، بوداغىمدا قورودوم، آه باهارىمدا ياندىيم، سولدور. گل آشاغى او تور چاين قىرغىندا. نئچە گۈندو نه يئتمىش، نه اىچمىشىم، نه ياتمىشام، نه دورموشام. چاي بويوندا گل - گئت اندىب، سنى هر دم ياد ائتمىشىم. گل باشىمى

قویوم گۆزل دیزین اوسته بیر ابدي يوخو آليم، يورو لموشام اوزگەلرى قارقىمادان، گل آشاغى گۈزل آرزي، بو دفعه ده قمبر اوزون قارقىياجاق.

قاچل قاچا دامدان آندى، باخدى اوندا بير اويانا، اوندن چىخىپ، گئتدى چايما دوغرو، عاشىغىنى قوجاقلادى، باشىن آلدى دىزى اوسته.

قمبر باخدى حسرت ايله بير گۈيلرده، بيرده جوشۇنۇن آخر چايما، گۈزلرېنى يوموب او دم دئدى:

- يا رب طاقتىم يوخ ناز چكمگە، دينله منى اوجا خاليق، سئوگى، ايستك يئتر آرتىق!

قيز ظن ائتدى قمبر ياتىپ، اونو آرتىق اوياتىمادى، قمبر او ابدى يوخودان آه، اويانمادى. آرزي گۈردو قمبر اولدو.

بو دونيادا تك قالاجاق، يادا قوجا بير كىشى يە ئۇمور بوبو يار اولا جاق. بير گۈيلرە، بير قمبرە، بيرده جوشۇنۇن چايما باخدى، خىجر چكدى اودا اوزون اولدوردو، قدر دئمك هوسيلە ايكى چيراق سۈندوردو.

عاشىقلارى بدبخت ائدن كۆپ قاريسى يولدان كىچدى، چاي سوپوندان بير آز ايچدى، گۈردو آرزي قمبر ايله چايما ياخىن قوملا اوسته آل يورقانا بورونوبىر. تات كىشى يە چاتدى خبر، دئدى:


- گناه قارى دادىر، ائتمەسە ايدى جادى - افسون دئنمز ايدى يولدان قوشۇن.

عاشىقلارين آراسىندا هرگز هجران دوشمز ايدى، قىرخ اىگىدىم اولمز ايدى. سكىن ايلدن سونرا آرتىق تات اوجاجى سونمز ايدى. قىلينچ چكدى، كوب قارى سىن فنا ائتدى.

بو قارى نىن قانىندان بير دامجى قان آتلانىب ايكىسى نىن آراسينا دوشوبىدو. چالى تىكانى اولوبور. هر ايل گلىپ، كىسلر ائللر چالى - تىكانى، لاكىن يىنه گوپىر! دئمك او جادوگىر قويماز قىامتىدە ده قووشىسونلار عاشىقلار!

Kərkük Anadolu və Tuzxurmatu Varyantları

Dr. Həsən.M.cəfər zadə



By : Dr.Hassan.M.JAFAR ZADEH